

B 8775

A2264/B

PROCHASKA
C

11/11/11

GEORGII PROCHASKA,

MED. DOCT.

DE

CARNE MUSCULARI.

THE
CATHOLIC
MAGAZINE

GEORGII PROCHASKA,
MEDICIN. DOCT. & PROFESSORIS ANATOMIÆ
IN UNIVERSITATE VINDOBONENSI EXTRAORD.

DE
CARNE
MUSCULARI
TRACTATUS
ANATOMICO-PHYSIOLOGICUS

TABULIS ÆNEIS ILLUSTRATUS.



VIENNÆ,
APUD RUDOLPHUM GRÆFFER.
1778.

THE
CARNE
MUSCULARI

308904



VIRAL
AND BACTERIAL
DISEASES

ILLUSTRISSIMO

AC

CELEBERRIMO

DOMINO

ANTONIO

L. B.

DE STÖRCK,

AUGUSTISSIM. IMPERATORIS ET
IMPERATRICIS A CONSILIIS, ARCHIA-
TRORUM COMITI, STUDII MEDICI CÆSAREO-
REGII PRÆSIDI ET DIRECTORI PERPETUO,
PER UNIVERSAS AUSTRIACAS PROVINCIAS
PROTOMEDICO, NOSOCOMII PAZMARIANI
PHYSICO, SOCIET. FLORENT. ACADEM. SCI-
ENT. SIEN. ACAD. PRINCIP. HASS. INSTIT.
BONON. ET ACAD. NAT. CURIOS. &c. &c.
MEMBRO. DOMINO IN JETELSEE &c.

Vir Illustrissime !

*N*unquam absque piis lacrymis
reminisci possum ejus diei, qua

CELEBERRIMUS ANTONIUS DE HAEN
ultima sua ægitudine pressus, quo
facilius, inquit, moreretur, me TUIS
favoribus commendatum haberes, ro-
gavit. Hos, ILLUSTRISIME VIR!

tot & tantos hucusque sentire me fe-
cisti, ut nihil optaverim magis, quam
occasionem opportunam TIBI palam
faciendi, quanta pietate & gratitu-
dine in TE meum ardeat pectus. Vo-
tis meis obviam ivisti annuendo, ut
hocce, exilius quidem mole quam
labore

*labore opusculum TUO NOMINI sacrum
facerem. Absit autem a me, ut satis
incomptum ac tenuem meum laborem
TUO fastigio, & meo erga TE officio
parem esse existinem; id solumodo vo-
veo, ut intelligas: quis meus in præ-
stantissimum Anatomice ab eaque inse*

para-

*parabilis scientiæ Physiologiæ studi-
um animus sit ; & quod eorum nume-
rum adaugeam, qui grati non fucata
sed sincera animi pietate ac venera-
tione in TE feruntur.*

Tui
Vir Illustrissime!

devotissimus Cultor
GEORGIUS PROCHASKA.

PRÆFATIO.

Multæ partes corporis humani sunt, quarum structura æque ac functio crassis adhuc obvelantur tenebris, quanquam tamen ab iisdem declaratis in saluberrimæ Artis progressum & afflictorum solamen haud parum utilitatis redundaturum sperare liceat. Inter cæteras muscoli sunt, qui non solummodo maximam corporis humani partem constituunt, verum etiam corpus ad animæ nutum e loco movendo, sanguinem per vasa circumducendo, alimenta digerendo, inutilia excrementa ex corpore ejiciendo,

foe-

PRÆFATIO.

foetumque excludendo &c. maximam eidem utilitatem adferunt. Istam ergo corporis humani particulam examini subjeci in id solum primo intentus, ut amoto omni systemate structuram Carnis muscularis, quantum sensibus etiam optimis præsidiis opticis armatis assequi licet, intelligerem. Hanc, prout iteratis vicibus deprehendi constantem, cum Clarissimorum Virorum laboribus contuli, & litteris, ut in hoc tractatu videre est, mandavi. Supererat in detecta musculi structura mechanismus inveniendus, per quem contractio musculi & relaxatio explicari possent. Eum multum quærere opus non fuit, quum sponte in musculi structura se mihi præfenta-

PRAEFATIO.

sentare videbatur; isque tam structurae musculi detectae, quam mechanicis legibus, & circa musculi contractionem observatis phaenomenis accomodatus, simplexque, ut evidentius Veri sigillum vix sperare licuerit. Hunc itaque actionis musculi mechanismum haud secus quam ipsam muscularis carnis structuram ob oculos legentium collocare visum est, tamen cum tanta ac tali solummodo probabilitate, quam ei inesse prudenter tantum suspicari licet, priusquam communi Legentium consensu exceptus non fuerit.

Brevitati ubique omnino studui, ne ex libro in librum saepe transcribendo & praeter necessitatem per res huc non pertinentes divagando, moles

PRÆFATIO.

moles libri lectu tædiosa evaderet, quod tamen opto ut perspicuitati nihil offecerit. Cæteroquin procul dubio reperies B. L. multa incompta, nec satis limata, defectuosa, & forsitan quædam erronea, quæ in hoc sat arduo penso penitus evitari non poterant; quapropter ea tuo æquo judicio ac limæ exactiori committere ipse in scientias amor exoptulat. Quæ si votis meis responderint, spero fore, ut naturæ arcana investigandi desiderium, & tibi inserviendi studium in me foveantur continuo, quin imo crescant indies magis magisque. Dabam *Viennæ Austriæ* 1. *Januarii* 1778.

CON.

CONSPECTUS TOTIUS TRACTATUS.

SECTIO PRIMA.

De Carnis muscularis constructione.

*CAPUT I. De Vaginis musculorum, & Lacer-
tis, seu Fibrarum muscularium fasciculis,
quibus singulorum musculorum ventres pri-
mario componuntur. pag. 1.*

- - - II. De Fibris muscularibus. pag. 9.

*- - - III. De Filis carneis, ex quibus Fi-
bræ musculares constant. pag. 39.*

*- - - IV. De Rugis, quæ & in Fasciculis
Fibrarum muscularium, & in Fibris mu-
scularibus ipsis, & denique in Filis carneis
deteguntur. pag. 51.*

*- - - V. Quo ostenditur, qua ratione omnis
generis vasa nervique Musculos adeant per-
reptentque. pag. 58.*

*- - - VI. Sistens adnotationem in structur-
am muscularem Cordis, Ventriculi, Inte-
stinorum, & Vesicæ urinariæ. pag. 62.*

SECTIO SECUNDA.

*Actionis musculi theoriâ novam com-
plectens.*

*CAPUT I. Quo Mechanismus contractionis mu-
sculi in ejus structura fundatus proponitur.
pag. 68.*

*CAPUT II. De congestu humorum in vasis ab
irritatione nato.* pag. 75.

- - - *III. In quo ad agentis musculi phæ-
nomena explicanda nova theoria applica-
tur.* pag. 81.

- - - *IV. Proponens solutiones quarundam
difficultatum, quæ contra novam contra-
ctionis, musculi theoriam moveri possent.*
pag. 97.

SECTIO TERTIA.

*Quæ continet explicationem Figurarum
sexaginta & sex, in sex Tabulis
comprehensarum.* pag. 107.





TRACTATUS ANATOMICO PHYSIOLOGICUS DE CARNE MUSCULARI.

SECTIO I.

De Carnis muscularis constructione.

CAPUT I.

De Vaginis musculorum, & Lacertis, seu fibrarum muscularium fasciculis, quibus singulorum musculorum ventres primario componuntur.

Tunica cellularis, cuti immediate subjacens ac omnibus exterioribus musculis instrata, tantopere simul ubique in musculorum interstitia sese in-
sinuat, ut non repéras unicum muscolum,
Probas, Tract. A qui

qui externe tanquam quadam vagina ab illa cellulositate producta circumdatus non esset. Hujus vaginæ beneficio non tantummodo unusquisque musculus a suis focis discriminatur; verum etiam ejus grandiores Lacerti, in quos illum primario divisum nudus testatur oculus, continentur, suoque in situ, quantum necesse est, custodiuntur. Nacti sunt præterea grandiores musculi vaginas suas extimas crassiores, quam quidem exilium musculorum ventres, utpote quibus teneriores quoque extimas vaginas ex eadem cellulositate natura contexuit, sat omnino roboris pro exilibus hisce musculis habituras. Sunt loca, ut in Antibrachio, Femore, & Crure videre est, multis musculis obsita, quibus communis quædam vagina inducitur, musculorum in situ suo retinendorum gratia fortis, vix expansibilis ex tendinosis fibris contexta, & potissimum ab aponeuroticis aliorum musculorum productionibus enata. Temporalis
mus-

musculus a pericranio similem, & admodum fortem vaginam obtinuit. (*)

Vagina, quæ ex productione cellulosæ nata ventrem cujuscunque musculi circumdat, introrsum septa de se dimittit, a quibus primario ipse musculiventer in plures portiones, quas Lacertos, seu crassiores fibrarum muscularium Fasciculos appellamus, constanter dirimitur! haud secus, quam quidem ipsa tunica cellularis cuti subjacens, suis septis, quæ ubique inter musculos ablegat, eosdem ab invicem se-

A 2

jun

(*) Cæteroquin quod aponeuroticas illas & musculos vaginantes productiones concernit, id latius & accuratius pertractatum legi potest in *Dissert. Anatom. de Fascia lata*, quam Præside Cl. Murray Anat. & Chir. prof. publice defendit D. Thurling. anno 1777. Upsaliæ. Accurate ibidem describuntur Fasciæ illius structura, ortus, progressus, finesque, & usus.

jungit ac distinguit. Sciendum præterea est unumquemque ventris musculi Lacertum seu fibratum muscularium Fasciculum propria gaudere vagina ventris musculi adinstar, quæ ex sepimentis illis Lacertos ab invicem distinguuntibus fabricatur. Multum vero differt horum majorum Lacer-
torum crassities ac numerus diversis in musculis, imo in eodem etiam musculo-
so ventre; in genere tamen affirmari potest: crassiores & numerosiores esse in majoribus musculis, ut sunt vasti, Glutæi, Pectorales majores, Obliqui & transversi abdominis, &c. Deltoideus musculus crassissimos habet, quos potius pro totidem musculis peculiaribus considerare posses. Contrarium ergo reperitur in minoribus musculis, quales sunt illi bulbi oculi, palpebrarum, in musculis faciei, ossis hyo-
idis, laryngis & pharyngis &c. ubi comparatione ad priorum musculorum vastos ventres facta, integri musculorum ventres vix primum aliquem crassioris musculi fasciculum seu lacertum crassitie sua adæquant.

quant. Dum musculos transversim dissectos examinamus, apparent eorundem Lacertorum sectiones transversæ, quoque multum in magnitudine diversis in musculis variantes, & figura haud parum invicem abludentes, dum alibi ablongæ sunt & rhomboideæ, quæ figura haud infrequens est! alibi vero triangulares, quadrangulæ, pentagonæ & polygonæ irregulares reperiuntur.

Externa illa musculi vagina non solummodo dimittendo intra musculi ventrem sepimenta, eundem in crassiores Lacertos dividit, hisque externas vaginas suppeditat, verum etiam ex ipsis hisce majorum Lacertorum vaginis septula intra Lacertos amandat, quibus majores Lacerti seu fasciculi dividuntur in minores, & hi rursus in minores, donec tandem ad minimum fasciculum, qui ex plurimis Fibris muscularibus componitur, deveniatur. Ab hujus ultimi fasciculi externa vagina intra Fibras musculares fila cellulosa ac vascula-

losa sese demergunt, easque perreptant, & tandem singulis Fibris muscularibus proprias vaginulas construunt. Qua itaque de causa singulæ Fibræ musculares non minus sua propria vagina gaudent, quam quidem musculus ipse. Porro externa musculi vagina in comparatione suorum sepimentorum intra musculi ventrem decurrentium crassissima est, continuoque in suo intra muscolum progressu extenuatur, donec illæ vaginulæ, quæ singulas musculares Fibras amplexantur, subtilissimæ deveniant; quod optime tunc intueri licet: quando hunc in finem caro cocta aut etiam cruda siccatur, ut ex ea tenuissimæ lamellæ, sectione transversa ad Fibrarum decursum instituta, scindi queant. Oportet autem illas lamellas, antequam lustrentur, aqua humectare; qua ratione intumescent, & naturalem suam propemodum magnitudinem, quam exsiccatione perdiderant, adipiscuntur. Comperimus tunc microscopii auxilio externam musculi vaginam instar magni fluminis ejus ventrem-

trem circumire, & de se majores suos rivus intra musculum hinc inde concurrentes demittere, ex quibus iterum minores & minores rivuli pullulant, donec tandem ipsas Fibras musculares elegantis retis adinstar circumfluant.

Istæ cellulares vaginæ, quæ tam musculi ventrem, quam ejus Lacertos, & Fibras musculares ipsas involvunt, ubi ad extremitates Fibrarum muscularium perventum est, desinente ibidem alligata Fibra, suis cavis parietibus arctantur, concrescunt, & in splendens cordam, quæ tendo vocatur, compinguntur. (**)

Quamquam verum sit: musculi ventrem ex pluribus majoribus Lacertis seu Fibrarum muscularium fasciculis, & hos iterum ex minoribus constare, darique sæpe plures adhuc subdivisiones, antequam ad ultimum Fibrarum muscularium

A 4

fasci-

(**) vid. multum verosimilem hanc sententiam in laudatæ *Dissert. de Fascia lata Sect. prima.* propositam.

fasciculum perveniatur ; tamen certus harum divisionum ac subdivisionum numerus tam facile assignari non potest. Hoc generatim affirmare licet, quod in iis musculis, quorum ventres grandiores sunt, & Fibræ musculares exiliores, plures Lacertorum subdivisiones obtineant, quam quidem in minoribus musculis. Et observando comperi, dari exiles parvorum animalium musculos, qui nil sunt, quam unicus Fibrarum muscularium fasciculus, in quo plures quam 60. 80. vel 100. Fibræ musculares non continentur, præcipue si animalculum hoc crassiores Fibras musculares a natura nactum sit, quam vastum aliud quodcunque animal. In quibusdam musculis illæ Lacertorum aut fasciculorum divisiones tam obscuræ & confusæ sunt, ut ad nullam regulam eas reduci posse plusquam clare videas. Quapropter *Muysii* (a) Fibrarum in tres ordi-

(a) Musculorum artificiosa fabrica &c. Lugd. Bat. 1751. Dissert. I. Cap. I.

dines divisionem nimium ab arbitrio pendere, raroque in Natura se offerre existimo; dico autem *Fibrarum*; quia ibidem a Muysio Lacerti, in quos musculi venter nudo oculo resolvitur, sub nomine *Fibrarum muscularium* describuntur. Ut autem rem, de qua hucusque sermonem feci, clarius ob oculos Legentium ponerem, figuris eam, quantum fieri potuit, & necessum videbatur, expressi, quæ in *Tab. I. & II.* videri possunt, cum iisdem adnexa explicatione.

CAPUT II.

De Fibris muscularibus.

Fibræ musculares proprie eæ musculi partes sunt, a quibus utpote causa primaria musculorum motum fieri vulgo assentitur. Nondum tamen propterea adhuc evictum est, quod gravissimi etiam Viri voluere, motum omnem corporis animati seu naturalis, seu vitalis, seu denique animalis sit, musculis deberi; neque

que inde adeo certum axioma fluit : *ubi motus, ibi musculus*. Excepto eo motu, qui in corpore animali observatur, non a musculis se contrahentibus, sed vel a partium pondere aut elatere, aut ab illisu externorum corporum enatus, sunt adhuc alii, quos tamen Fibris muscularibus pro certo adscribere non possis. Sic motus Iridis, cui pupillæ arctatio & dilatatio in acceptis referenda, Fibris muscularibus tute adscribi nequit, quamdiu hæ per Anatomen pro certo inibi non reperiuntur, adeoque de eorundem ibi locorum existentia jure dubitantibus alia motus causa quæritur (b). Corrugatio Scroti ejusque

(b) *Ill. Hallerus in Elem Phys. Tom. V. Lib. XVI. Sect. II. §. XII.* nullas Fibras in iride nec radiatas neque circulares, sed sola vascula a maximo iridis circulo ad marginem pupillæ usque instar radiorum serpentinorum decurrentia observans, aliam, eamque, ut certe videtur, veram arctationis & dilatationis iridis proposuerat explicationem

que laxatio sat manifesti motus sunt, & diu membranæ Dartos musculosæ adscripti, in qua tamen membrana accuratiores Anatomici nihil musculis simile reperiunt.

Va.

nem, inquit: „ Oportet autem iritationem, quæ in retina fit, operari posse, se congestionem subitam humorum in iris vascula & flocculos: „ (qua congestionem humorum fit, ut vascula non solum dilatentur, verum etiam elongentur magis abolitis serpentinis suis flexibus; unde fit, ut radiatorum illorum vasculorum extremitates in margine pupillæ terminatæ accedant magis ad pupillæ centrum, eamque imminuant: Dum e contrario cessante humorum ibidem congestionem vascula illa in statum præternaturalem antea coacta sua elasticitate iterum abbreviantur, & a transversis cellulosis filis in serpentinos flexus aguntur, pupillaque dilatatur.) Inquit porro: „ Id credas vi nervosa optime fieri, „ uti manifesto in pene subitus tumor nascitur a stimulo vario, etiam acri & mechanici-

Validissima & manifestissima est uteri gravidæ contractio sub partu, quam tamen fibris muscularibus uteri secure adscribere non poteris, quando earum existentia
tam

„chanico. „Sapienter postmodum respondet ad factam objectionem contra illam paritatem a pene desumptam, dicens: „Objecta est subita lucis actio. Non valde certe efficaciter, cum brevissima vascula iridis facile subito possint repleri „(& certe multo citius, quam ampla penis cavernosa corpora.) Tandem ad incudem revocavit hæc *Philippus Marberr* in *Prælect. ad Inst. med. Hermannii Boerhaave Tom. III. §. DXX.* ubi *Halleri* mentem impugnat, & per actionem Fibrarum radiatarum iridis totum phænomenon explicare tentat. Fibras autem musculares iridis radiatas tanquam demonstratas ex *Zinnio* assumit, quas tamen accuratissimus hic *Anatomicus* hæsitando, & utpote rem dubiam, proponit: „Neque ipse, inquit, certe crediderim, „fibras musculares unquam ullo microscopio

tam dubia est, ut de iisdem Summus Miographus *Albinus* & in sua *Miologia* & in sua *Uteri gravidi anatome* altissimum teneat silentium. *Illustrissimus Baro de Störk* sapienter in dubium vocat muscularem uteri structuram (c), cum tam vali-

(c) *Dissert. de conceptu, partu naturali, difficili & præternaturali Viennæ 1776.*

„ pio demonstrari posse. Dum autem phæ-
„ nomena, vascula, molem nervorum iri-
„ dem adeuntium, ejusque analogiam cum
„ aliis partibus corporis humani mus-
„ culosis attentius considero, parum abest,
„ quin ad credendum adducar, fibras mus-
„ culosas reliquis vasculis & nervulis in an-
„ teriori iridis facie intermixtas esse. „
vid. ejus Descrip. anat. Oculi humani Cap. II. Sect. III. § III. Etsi etiam aliquas fibras musculares radiatas in iride admittere vellemus, tamen eas motus iridis explicatio *Marberriana* evertit. Si enim fibræ illæ relaxatæ adeoque longiores factæ faciunt pupillam

lidæ & tam conspicuæ fibræ musculares in eo nequaquam detegantur, prout ad validissimam uteri in partu contractionem requirerentur, & cum ipse *Ruifchius* orbicularem suum fundi uteri muscolum in senectute propugnare desierit. Et nuper *Cl. Valter Anatomiae Professor Berolinensis* (d) non obstantibus *Cl. Hunteri* de
ute-

(d) Vorlesung über die weibliche Geburts-theile
Berlin 1776.

pillam stringi, contractæ vero & abbreviatæ eam dilatari, ut prætendit *Marberrus*, sequetur: quod a radiis lucis irritata retina nervos ciliares incognito adhuc modo in consensum cogens faciat fibras musculares iridis laxari, & quæ, ubi nullus in nervis stimulus est, iterum contrahi deberent. Sed scimus fibrarum muscularium talem esse naturam, ut applicato nervis stimulo contrahantur, eo vero absente relaxentur; adeoque in iride veras fibras musculares nullas esse ex prætenso earundem usu clare evincitur.

utero gravido iconibus, ubi etiam fibras musculares uteri depingit, impugnavit propriis experimentis & rationum ponderibus existentiam structuræ illius uteri musculosæ, modumque, quo ab uterinis vasis ejus contractio explicanda illi videtur, proposuit. Quæ si ita sunt, possibiles erunt adhuc motus similes illis motibus, quos muscoli peragunt, qui tamen longe alii machinationi debebuntur, quam quidem illa vulgaris musculorum sit.

Non possumus hoc loco reticere explanationem actionis iridis, quam nobis omnino novam dederat *Cl. della Torre* in opere, cui titulus: *Nuove Osservazioni microscopiche del P. D. Giovanni Maria della Torre C. R. Somasco in Napoli 1776. Ubi Cap. IV. Osserv. 23. Iridis non injectæ, sed per duos dies in aqua maceratæ, perque microscopium postea a se conspectæ structuram describit, & in Tab. X. fig. 2. & 3. pingit. Dicit autem se vidisse circum pupillæ marginem tres cordas*
cir-

circumductas, a quibus rami oriebantur per iridem dispergendi. Præter hos ramos alii magis transparentes rete formabant, quid autem hi proprie fuerint, non determinavit. Fibræ musculares illi nullæ visæ sunt. Unde contractionem pupillæ ad vividum lumen, & dilatationem in debili luce esse sequente modo explicandam: „ quando, inquit, lumen forte „ irritat illas tres cordas, hæc, quia nervi „ sunt, se contrahunt trahendo simul ad se „ suos ramos, & cessante actione vividæ „ lucis restituunt se ad pristinum statum, „ quare de novo se dilatat pupilla, & se „ dilatare pergit tanto magis, quanto „ magis minuitur actio luminis. „ Ad hæc respondeo primo: minus fidendum esse talibus observationibus, ubi iridis vasa apta materie prius non injecta fuerint, facile tunc vasa collapsa & inanita pro fibris aut nervis, & hi rursus pro illis imponere possunt. Secundo desideramus majorem diligentiam non Observatoris, sed pictoris, qui particulam iridis in *Tab. X. fig. 2.*
pic-

pietam debebat magnitudine magis aucta delineare in *fig. 3.*, nam est eadem iridis particula, & in his duabus figuris ne vel minima habetur similitudo. Nolumus sperare, quod *fig. 2.* æque parum cum natura conveniat, quam *fig. 3.* cum *fig. 2.* Tertio quod illam physiologicam actionis iridis explicationem concernit, ea manifesto ob defectum sufficientis physiologicæ cognitionis falsa est; nam non scivit *Cl. Vir* nervos quantumcunque irritatos ne vel minimum contrahi per experimenta *Halleriana de partibus sensibilibus & irritabilibus*; & iris in specie, quamvis vividus lucis focus in eam incideret, se non contraxit. Tandem saltem hoc notum esse debuisset, vividæ lucis focum non cadere in iridem, sed in retinam; a qua irritata in consensum vocantur nervi ciliares, qui iridi prospiciunt, & pupillam (eo verosimiliter mechanismo, quem antea ex *Hallero* proposui) contrahi faciunt, iterum relaxandam imminuta lucis vividæ actione.

Ad naturam Fibrarum muscularium determinandam attentos fuisse omnis ævi Auctores ex eorum monumentis abunde constat. Vetustissimi Scriptores modernis ingenio quidem certe pares, quorum tamen experientia hac in re longe inferior fuit, varia excogitarunt ingenio suo ludentes: nimirum carnes ex quatuor elementorum æquali mixtura constare; a carne sanguinem ebibi, & ex hoc coagulato carnem formari; alii vero ex glutine Frigido coagulato & in cavernulis accumulato carnem fieri existimarunt. Fuere, qui ex aqua coacta & concreta diflato igne prodiisse carnem statuerent; iterum alii nescio, quod alimentum ex venis exsudans & a frigore coagulatum in carnem verti. Et si multum de muscoli structura apud plerosque Antiquorum reperias, quod simul aliquam veri speciem haberet, tunc est id, quod *Ruffus Ephes.* edixerat: musculum videlicet constare arteriis venis & nervis, prætereaque nihil. Hæc sunt eorum, qui perquam exiguam imo ferme nullam circa hanc

hanc materiam possederant experientiam. Qui tandem aliquam, nondum tamen sufficientem nacti sunt, præter arterias, venas, nervosque insuper adhuc fibris musculum constare agnovere unanimiter; nondum quidem consentientes in structura earundem fibrarum, quam diversam diversi ad ornandam suam circa actionem musculorum hypotheseim excogitarunt. Jam inter Antiquissimos fuisse nonnullos, qui Fibras musculares ex nervi in musculo divisione nasci crederent, reliquit *Galenus de motu musculorum*. *Fabricius ab Aquapendente* dixit fibris tendineis constare, quæ a musculi capite ad caudam usque continuarentur, in ventre vero illis fibris circumfundi concretum sanguinem, & interjacens tomentum replere, parenchymiaque conficere, quam sententiam plurimi post eum amplexi sunt. *Stenonius* postea parenchymia proscripsit, affirmando carnem musculi constare ex carneis fibris, quæ ad utrumque musculi extremum in tendines abirent. Quoniam hæc nondum

suffecere explicando muscutorum contractionis mechanismo, excogitanda erat, siquidem sensibus reperiri non poterat, muscularium fibrarum fabrica. Cava Fibra muscularis ita, ut tamen ad ejus tendinea extrema cavitas evanesceret, aptissima phænomenis agentis muscoli explicandis *Boerhaavio* videbatur, qui in *Inst. med.* §. 395. inquit: „nervos involucris orbos expansione sua tenuissima facere fibras, intus „cavas, figuræ ut musculus, plenas spiritu, &c. Plurimis magis arrisit vesicularis fibrarum structura, cui inspectio rugarum in fibris sæpe apparentium ansam dare potuit. Seriem rhomborum in fibra proposuit *Boirellus*, nec sine applausu. *Guilielmus Comper*, pluresque alii cellulosam fibræ muscularis structuram se reperisse asseruerunt. Omnes hi, qui aliquam cavitatem in fibra musculari adoptarunt, seu illa simplex fuerit, seu vesicularis seu cellulosa ac spongiosa, indiguere adhuc liquido quodam pro sua explicatione, quod cavum fibræ replet, eamque ampliaret,

& vel ideo abbreviaret. Hoc autem liquidum aut merum sanguinem aut merum liquidum nerveum voluere. Aliis vero placuit chemica effervescentia, quam sanguis cum liquido nerveo in cavis fibrarum concurrens efficeret, & sic musculum inflaret, abbreviaretque. Latius hæc omnia legi possunt apud *Erud. Muys.* (e) & *Ill. Hallerum.* (f) Ast nemo non videt, quanta hic gratuito assumantur, quæ tamen maxima indigerent demonstratione. Longe veriores, utiliores, ac plurimi certe faciendæ sunt observationes de carnis muscularis fabrica *Roberti Hocke*, *Antonii van Leeuwenhoeck*, *Antonii de Haide*, & *Wyeri Guilielmi Muys*, qui Viri structuram musculi non excogitare ac fingere, sed sensibus lustrare maluerunt. *Ill. Hallero* haud parum laudis debet culta fibrarum muscu-

B 3

larium

(e) l. c. cap. IV.

(f) Elem. Phys. Tom. IV. Lib. XI.

larium historia, utpote qui quidem in earundem structura peculiare nihil adnotaverat, nisi quod dixerit; solidas fibras, non sine poris illis, qui in omni etiam solidissimo corpore supersunt, videri plus promittere virium, quam quidem cavas; tamen agentis musculi phænomena in animalibus tam accurate pensitavit, & irritabilitatem excoluit, ut adeo accurati laboris fructus, post detectam musculi mechanicam structuram, nunquam possit in posteros redundare exiguus.

In naturam musculorum investiganti haud exigua occurrit difficultas intelligendi partium musculi apud Auctores divisiones, & quasnam præcipue musculi partes sub nomine fibrarum muscularium indicare voluerint intellectu sæpe arduum est. Alius enim carnem simpliciter fibris componi dicit; Alius striis carneis; alius fibris & fibrillis; iterum alius fibrarum & villorum, ex quibus illæ fiunt, mentionem facit; *Muyfio* placuit systema ternarium,

rium, qui carnem in fibras fibrillas & fila divisit, & rursus fibras in tres ordines: majores videlicet, mediocres & minimas, majoresque constare ex mediis, & has iterum ex minimis; minimam fibram componi ex fibrillis majoribus, has ex minoribus, & has tandem ex minimis; minimas vero fibrillas constare filis carneis, quorum duos tantum statuit ordines nempe crassiora, &, unde hæc componuntur, tenuiora. Contingit itaque hac de causa, ut interdum nescias, quæ nam illa particula sit, de qua loquantur, sub diverso tamen nomine, Auctores. Bona divisio certe ad claritatem & facilitatem confert, si tamen nimia sit, tunc plerumque plus obscuritatis ac tædii faceffit. Ego, cum fortasse ita melius intelligerer, missis illis divisionibus & subdivisionibus, satius esse duxi, ea filamenta Fibrarum muscularium nomine insignire, in quæ musculus voluntarium facile resolvi posse expertus sum. Quando vero plures tales fibræ ope cellulosæ inter se connexæ sunt

in unum fasciculum, hunc non fibram, sed *fibrarum muscularium Fasciculum*, aut *Lacertum muscularem* appellavi. Lacer-
tos musculares nudo oculo tam in carne
cruda quam in elixa intueri licet variæ
crassitici ac figuræ, ut in præcedente ca-
pite monui; in elixa carne tamen facilius
examinari possunt, quum hæc suos in
Fasciculos facilius semper dividatur. Fi-
bras musculares sine prægressa aliqua mu-
sculi præparatione & sine aliquo lentis op-
ticæ auxilio vix clare contemplari licet.
Ut musculus in fibras resolvi possit, opor-
tet eum esse bene coctum, quia in recenti
ac cruda carne Fibræ per cellulosam, va-
sa, & nervos intercurrentes adeo firmiter
cohærent, ut eas ab invicem divelle-
re nequeas: contrarium evenit in carne
elixa, in qua cellulosa, vasa, nervique
Fibras inter se connectentia per coctionem
destructa sunt pro parte, aut saltem adeo
friabilia reddita, ut levi negotio, salvis
Fibris, eadem destruas, ac auferas, hanc-
que ob rationem solæ ac nudæ musculares
Fi-

Fibræ ob oculos sisti possint. Fibris muscularibus per coctionem inducitur major durities & consistentia, ut hac de causa etiam eas melius examini subjici posse, quam crudas, ipsa testetur experientia.

In hunc itaque finem sumatur Lacertus carnis bubulæ elixæ duas tresve lineas crassus, cujus uni extremitati potest filum alligari, ut mediante eo Lacertus attolli ac suspendi possit pro lubitu. Tum reliqua Lacerti pars duos inter digitos teritur leniter, ac premitur, etiam supra aliquod planum collocata leniter diuque obtuso aliquo instrumento sæpe inversa tunditur, donec mollis ac pulposus quasi evadat lacertus. Interim eo, quo hæc fiunt, tempore in aqua modicum agitando abluitur, ut per tusionem rupta cellulosa, qua Fibræ cohærebant, tollatur. Tandem ope alligati fili suspenditur ille fasciculus in vitro, limpido liquore repleto, qua ratione apparebunt nudo oculo filamenta, in quæ resolutus fuerat Lacertus

tus

tus muscularis, eaque magnitudine parumper aucta ob vitrum ac liquorem in quo continentur. Omnia, quantum hic sensus judicare possunt, ejusdem ferme crassitie apparent; pellucida instar albarum fetarum, aut chordarum tenium. Si adversus lucem adspiciantur, pulcherrimos colores instar prysmatis reflectunt, & haud inelegans præparatum anatomicum constituunt.

Hæc sunt illa filamenta, in quæ musculos, voluntarios dictos, plurimorum animalium facile resolvere expertus sum, quæque *Fibras musculares* appello. Sub diverso nomine hæ musculi partes apud Auctores descriptæ sunt: *Leeuwenhoekius* omnium maxime denominationem *Fibrarum* harum variabat, quas in suis Operibus jam *Fibras*, jam *Fibrillas*, jam *strias carneas*, jam vero *fila* dicit promiscue, & iisdem nominibus etiam interdum utitur ad alias musculi partes indicandas.

Anto.

Antonius de Haide Fibras dicit (g). *Muy-
sio* Fibrillæ certo appellantur; (h) cujus
tamen ordinis ipse fateor, quod igno-
rem.

Cum tandem illas fibras ope lentis
objecta magis augmentis examinarem, vi-
debantur mihi tam in homine, quam
bove, & pluribus aliis animantibus esse
plus minusve complanatæ, ita ut, si la-
ta sua facie oculo obverterentur, appa-
rerent crassæ, & triplo quidem sæpe cras-
siores, quam quando ab angustiore sua fa-
cie conspicerentur. (i) Quandoque con-
tingit videre fibram ad unum extremum
la-

(g) vid. L. c. ad pag. 31. fig. F. D. pietas dat
duas Fibras ope microscopii auctas, quas
ex fibrillis componi dicit, de quibus au-
tem postea.

(h) l. c. cap. II.

(i) vid. Tab. V. Fig. VI. VII. VIII. IX. X. XI.
& XIII. XIV. XV. XVI. XVII. XVIII. XIX.

latam, & angustam seu tenuiorem ad alterum; quod interdum hac de causa evenire comperi, quod fibra illa in separatione ab aliis dislocata ac intorta fuerit, & hic lata sua facie, ibi vero angusta se visui stiterit (k). Contigit tamen, ut observarem tenuiorem Fibram quodam in loco fuisse, quæ alibi iterum crassesceret, vel adeo extenuata fuerit, quod quidem raro, ut inter vicinas disparuerit.

Longitudini ipsius musculi æquales has fibras inveni ipso in Sartorio, omnium longissimo musculo, quæ ab uno musculi tendineo extremo aortæ non desinunt prius, quam ad alterum extremum pertingant; nisi per raro contingat, ut una alterave valde extenuata inter socias fibras alligari ac evanescere videatur Proinde his fibris id minime dici potest, quod *Ill. Hallerus* (l) asserit. „ Non valde, „ in-

(k) vid. Tab. V. Fig. XII.

(l) Elem. Phys. Tom. IV. Lib. XI. Sect. I. § III

„ inquit , longa fibra est , neque mus-
„ culi longitudini æqualis , ut omnino
„ postbreve forte unciae iter , fibra non
„ quidem tendinea aliqua enervatione
„ terminetur , sed utique dextrorsum aut
„ sinistorsum ad latus intorta , inter sui
„ similes evanescat , acuto fine , mul-
„ taque cellulosa tela firmato. „

Si caro elixa exsiccetur ita , ut ex ea laminæ tenuissimæ scindi possint , sectione transversa respectu fibrarum muscularium decursus instituta , tunc adhuc melius figura ac crassities fibrarum examinari potest. Sectiones illæ transversæ Fibrarum muscularium exhibent areas triangulares aliquas , plerasque quadrangulares , rhomboideas , pentagonas , &c. , fatis omnino irregulares , parum tamen oblongas , ut in plerisque duas diametros ducere queas ; longiorem unam ; & alteram breviorē , quæ se ad angulum rectum se-

fecent (m). Unde concludere licet Fibras musculares non esse figuræ cylindricæ, quia earum sectio non est circulus, sed figuræ polyedræ irregularis. Hoc quum observarem in Fibris coctis, cogitavi, utrum hæc polyedra irregularis Fibrarum figura non esset coctioni adscribenda? nam in coctione vaginæ fasciculorum fibrarum muscularium contrahuntur, arctantur, & fibras contentas adinvicem apprimunt, sicque oporteret iisdem angulosam & irregularem figuram imprimi; licet antea revera cylindricæ præexistissent. Accepi itaque carnis crudæ siccata lamellam, quam bene humedabam, ut eam propemodum magnitudinem haberet, quam in carne ipsa recente habuerat, & reperi ferme æque angulosas Fibrarum muscularium sectiones, ac quidem in carne cocta fuerant. Paululum tamen majores erant illæ areæ, seu sectiones; unde

unde licet concludere, Fibras musculares crudas non nihil superare sua crassitie illas, quæ coctæ sunt. Quum præterea pleræque areæ unam diametrum longiorem habent, & alteram, quæ illam ad angulum rectum secat, brevior; etiam conficitur Fibras plerasque quadrantibus complanatas existere. Non possum igitur assentiri *Muyfio*, qui Fibrillas suas, quas ego Fibras appello, cylindricas pinxerat (n), quod quidem juxta naturam fecisse minime videtur, siquidem alibi (o) jam angulosas Fibrillarum sectiones delineaverit. Quæ cum ita sint, Fibræ musculares cylindricæ minime statui possunt, sed irregulariter polyedrae. Hoc ultro probatur figuris, quæ *Muyfius* ex *Leeuwenhæckii* Operibus desumpsit (p), & quæ Fibras musculares Balenæ,

(n) vid. l. c. Tab. I. fig. 12. 13. 14. 15. 16. 17.

(o) vid. l. c. Tab. III. fig. 12. 48.

(p) vid. l. c. Tab. III. fig. 3. 6. 7. 6.

næ, Acelli majoris, & Bovis transversim sectas exhibent; harum sectiones non circuli sunt, sed polygona irregularia.

Crassities Fibrarum muscularium etiam varia est, cum areae earundem transverse sectarum passim inter sese magnitudine differant. Sunt quidem, quæ bis, ter, quater & ultra cæteras magnitudine superent, quod autem rarius observatur in homine, bove, & pluribus aliis animalibus; in quibusdam tamen præcipue piscibus Fibrarum muscularium crassities multo magis variat. Neque tandem video in meis experimentis Fibras musculares constare mediocribus, & has iterum minoribus, ut quidem *Muysius* (q) Fibrillarum suarum divisiones ac subdivisiones se observasse existimat. Areae Fibrarum muscularium transversim sectarum nullis lineis in areas minores divisæ sunt, nisi

(q) vid. ejus Opus de fabr. carnis musc. Dissert. I. cap. II.

nisi rarissime quidquam appareat, quod imaginationem confirmet. Et suffragantur icones *Leeuwenhœkii* (r), qui nullo systemate seductus, rem prout in oculos inciderat, depingi curavit. Nullo modo his in figuris areas fibrarum muscularium ex minoribus areis constare ostenditur, quod si in natura tam facile observatu esset, certe etiam *Leeuwenhœckius* vidisset, & delineari curasset. Quod tamen eam figuram concernit, quæ apud *Muyssium* in *Tab. III. fig. 6.* est, hac omnino *Leeuwenhœckius* crassitiem Fibrarum muscularium vaccæ ostendere voluit, quarum areæ multangulæ clare visuntur; dicit autem *Leeuwenhœck* illas Fibras ex minoribus fibrillis iterum componi, quod in eadem figura punctis quibusdam indicatum esse asserit; sed videtur hic Auctor per minores illas fibrillas intellexisse eas partes,

Probas. Tract. C tes,

(r) Sunt in mox citati *Muyssii* operis *Tab. II. fig. 2.* & *Tab. III. fig. 3. 6. 7. 8.*

tes, quæ Muyfio & mihi fila carnea dicuntur, de quibus alibi egit *Leeuwenhœck*, & nos in fequente capite fermonem faciemus. Puncta in dicta *Leeuwenhœckii* figura nulla ego video, tantum Lineolas quasdam in areis fibrarum muscularium, & hinc inde minimæ areolæ circulares videntur: per lineolas illas pictor indicare voluisse mihi videtur corpus seu soliditatem arcarum; minimis vero circularibus areolis, quæ hinc inde ibidem disseminatæ cernuntur, occasionem dedisse videntur bullulæ aëreæ, quas nasci inter lamellam & aquam, qua illa humectatur, multoties expertus sum, quæque ab eadem causa in *Leeuwenhœckii* observatione productæ fuerint, qui illam lamellam eo tempore, quo a pictore delineata est, plus quam decies penicillo humectaverat, ne calore aëris, tunc præsentis, arefceret. Hoc ultro confirmatur solitaria illa area, quam pictor *Leeuwenhœckii* in media membrana vaginali inter fibras intercurrente delineavit. Quæ area non est a fibra musculari

lari transversim dissecta, siquidem nunquam tam unica & solitaria Fibra muscularis, ab aliisque separata in natura visitur, sed bulla aërea major eam producere potuit, quod mihi aliquoties contigit.

Circa illas scindendas Fibrarum muscularium laminas notandum est, posse huic experimento inservire carnem crudam & siccata[m] haud secus, quam coctam; melius tamen est, si prius cocta fuerit, quoniam in hac fibrarum limites distinctius passim conspiciuntur. Præterea attendendum est, ut lamellæ secantur transversim ad angulum rectum respectu fibrarum decursus; nam si multum oblique secantur, areæ fibrarum dissectionum evadent majores, figuraque longe alia præditæ. Quando igitur in carne fibrarum, aut saltem fasciculorum fibrarum muscularium decursus est varius, nec recte parallelus, non poterit fieri, quin in abscissione lamellæ quarundam fibrarum

muscularium sectio instituatur obliqua ; ex his ergo neque ad crassitiem neque ad figuram fibrarum erit concludendum, sed ea laminæ particula pro observatione eligenda est, ubi sectio fibrarum recte transversa facta fuerat. Nimia laminæ crassities quoque impedimento est, ne clare distinguantur fibrarum sectiones, quapropter lens ad tenuissimam laminæ partem dirigenda erit. Eodem ferme modo experimentum successu caret, dum lamella humectata tam male collocatur, ut supra se plicata, ac complicata sit, proptereaque radii lucis per lamellæ duplicaturam transire debeant, tunc licet forte adhuc sufficiens pelluciditas adesset, nihilominus tamen areæ anteriores a posterioribus confunduntur adeo, ut nihil recte discernas. Præterea hoc adhuc vel maxime notandum venit, lamellam illam nimirum ita collocandam esse, ut planum ejus axi opticæ, quæ per centrum lentis ducitur, ad angulum rectum opponatur ; quoniam vero id hæud raro inevitabile est,

ut

ut hinc inde planum lamellæ aliquantum non promineat, erunt tunc talia lamellæ spatiosa pro consideratione eligenda, quæ axi opticæ ad angulum rectum opposita sunt. Hæc in examine carnearum lamellarum ni observentur, nihil accidet frequentius, quam ad erroneum iudicium formandum occasio opportunissima.

Hac ratione in lamellis Fibrarum muscularium transversim sectarum plurimum animalium carnem examinavi, & crassitiem fibrarum diversam tam in diversa hominis ætate, quam diversis in animalibus profecutus sum, figurisque, quum hæc res solis verbis tam clare nequaquam proponi possit, quantum necesse omnino videbatur, expressi. Ast omnium primo scire oportet, omnia animalia prout in sua origine exilissima sunt, ita etiam fibras musculares tenuissimas & exilissimas habere, quarum crassities indies eousque increfcit, donec animal certum suum ac determinatum incrementi

gradum adipiscatur. Quod *Leeuwen-
hæckii* effatum verissimum non solummodo
ratio ipsa dictat, sed experientia quoti-
diana tam *Muyfio* quam mihi constanter
comprobaverat. Unde non tantummodo
consequitur diversæ ætati pro diverso in-
crementi gradu diversam Fibrarum mus-
cularium esse crassitiem, verum etiam ip-
sis in adultis subjectis non nihil eam dif-
ferre debere cum & horum nonnulli nota-
biliorem præ aliis incrementi gradum con-
sequantur. Præterea insuperabilis plane
difficultas se offert ei, qui in diversis ani-
malibus Fibrarum muscularium crassitiem
determinare, inter seque conferre vellet.
Incerto enim tempore varia animalia per-
fectum incrementi gradum assequuntur;
& neque adeo facile est ea in hoc incrementi
gradu obtinere. Omnium autem maxime
notata dignum est, quod unusquisque ab
antere adductus facile statueret: Fi-
bras musculares videlicet crassiores esse va-
stis animalibus, tenuissimas vero exilibus;
dum interim experientia docet, dari exi-
gua

gua animalcula & infecta , quæ habent æque crassas , imo quædam adhuc crassiores Fibras musculares , quam ipse vastissimus taurus. Hæc verissima æque ac mira observatio a *Leeuwenbækio* prolata merito omnes in admirationem duxerat. Quid autem me de crassitie Fibrarum muscularium docuerit experientia in *Tab. III. & IV.* iisque adnexa explicatione videre licet.

CAPUT III.

De Filis carneis , ex quibus Fibræ musculares componuntur.

Etiam hæc Fibrarum muscularium in *Fila carnea* divisio haud obscura est , unde mirum videri non potest eam dudum jam microscopiorum exquisitissimorum auxilio innotuisse Auctoribus , descriptamque fuisse. Et primus quidem merito Filorum carneorum Inventor *Muyfio* (s)

C 4

sta-

statuitur *Robertus Hooke* Anglus, qui anno 1678. Societati Regiæ Londinensi, & etiam publice in Epistola ad *Leeuwenhœkium* data demonstravit musculos in *Astacis*, *Canceris*, *Squillis*, *Gibbis* constare ex innumerabili multitudine Filorum existimorum, capillo capitis sui ferme centies tenuiorum, singulaque hæc Fila redimiculum ex margaritis aut coralliis coalitum figura sua referre. Tandem *Antonius van Leeuwenhœk* suas hac de re observationes publicaverat. (t) *Fibras* musculares ibidem *Strias carnosas* appellat, & ostendit unamquamque talem *Striam* centum *Fibris* (hoc est: centum *Filis* carneis) constare. Postea adhuc talem fibræ (seu *Filum carneum*) multis minoribus in vagina inclusis componi conjicit, ei potissimum innixus fundamento: quod

(t) vid. ejus *Opera omnia seu arcana naturæ epistolis comprehensa* & quatuor tomis distincta Lugd. Batav. 1722. Tom. I. pag. 43. in Epist. ad *Robertum Hooke* data.

quod animalculum spermaticum tenuius sit filo tali carnosio, & tamen debeat habere suos nervos & musculos. Hoc argumentum huc omnino nihil facit, licet illi concederemus animalculum spermaticum esse futuri hominis rudimentum, quum Fila carnea crescant crassitie successu ætatis, donec animal summum sui incrementi gradum attingat; unde nondum pro certo concludi potest singula Fila carnea, ut in adulto animali conspiciuntur, esse adhuc ex plurimis minoribus composita. Eadem Fila carnea in tribus figuris eidem epistolæ insertis expresserat, sed rudibus, quas ipse artis delineandi imperitus delineaverat. Deinde *Antonius de Haide* (u) Fibras musculares ex carneis filis (fibrillas ille vocat) componi observavit, figurisque, ut ut quoque rudibus tamen ad captum idoneis expressit. Postremo

(u) Experim. circa sang. miss. & Fibr. motr
&c. pag. 31 fig. F. D. & G. H.

stremo *Muysius* (v) Fila carnea & denominavit, & omnium optime examinavit. In duos vero ordines ea dividit: in crassiora & tenuiora, illa vero ex pluribus his conjunctis componi asserit. Plures accuratæ nec minus fusæ observationes circa hæc Fila apud ipsum Auctorem legi possunt. Tandem etiam *P. D. della Torre* (*) Fibram muscularem ex plurimis filamentis longitudinalibus rubicundis componi vidit, & delineavit *Tab. XIII fig. 8.* In *Cap. IV. Osserv. 23.* fibras musculares cognosci in microscopio dicit colore in rubrum vergente. Quod colorem hunc concernit, hoc in omnibus animalibus verum non est. Et descriptiones iconesque tam fibrarum muscularium quam filorum carneorum præcedentes Auctores longe præstantiores dedere.

Ut

(v) l. c. cap. III.

(*) Nuove Osservazioni microscopiche Cap IV. Osserv. 41.

Ut autem breviter ea, quæ mihi per iteratas observationes de Filis carneis innotuere, aperiā, omnium primo dicendum est: singulas musculares Fibras, de quibus in præcedente capite egi, sua propria membrana seu vagina investiri, continuata ei cellulosæ, quæ vaginam tam ipsi musculo, quam singulis fibrarum suarum fasciculis suppeditaverat. Multus in observandis ac describendis his Fibrarum muscularium vaginulis fuerat *Leewenhækius*, qui eas in carne balenæ, aselli majoris, bovis, gliris, muris, aliorumque animantium examinaverat (x). Vaginulæ illæ ut ut sat firmæ sint, tamen hinc inde adeo pellucunt, ut per eas sat distincte Fila carnea Fibræ componētia observari possint, quod interdum, quibusdāque in locis, ubi crassiores sunt, minus ex voto succedit. In tali itaque vaginula Fibræ muscularem obvolvente plu-

(x.) vid. ejus operum posterior. Epist. 1 & 2.
ad Anton. Heinsium &c.

plurima certe filamenta, quæ juxta *Muy-
sium Fila carnea* appellamus, continentur,
quæ suo decursu Fibræ directionem se-
quuntur, eamque longitudine sua æquant.
Ope subtilis telæ cellulosæ, vaginæ Fi-
bram involventis continuatæ, Fila carnea
inter se & arcte & haud debiliter conne-
ctuntur; nam rupta etiam per contusio-
nem Fibræ muscularis vagina ab invicem
tam facile non separantur, quam quidem
ipsæ musculares Fibræ faciunt, quæ rup-
ta vagina fasciculum Fibrarum muscula-
rium involvente facillimo negotio abinvi-
cem secedunt.

Quod figuram horumce filorum con-
cernit, ea, quantum ex transversa eo-
rum sectione concludere licet, ad eam
fibrarum muscularium accedit: areolæ
enim filorum carneorum transversim se-
ctorum non sunt penitus circulares, quam-
vis in illis præ nimia exilitate leviores an-
guli difficile adverti queant. Tales areo-

las Filorum carneorum videre licet in *Tab. IV. fig. XVIII. XIX.*

Si porro Fila carnea suo in decursu, secundumque suam longitudinem intueamur, recta porrecta juxta sese decurrunt, frequentissime tamen, & in carne elixa vix non semper, flexuosa serpentum in modum observantur, de quibus flexuositatibus plura in sequente capite dicere occasio permittet.

Substantia eorum utcunque diaphana est; & crassities parumper differre videtur, ita ut quædam paululum crassiora cæteris existant, quamvis in genere loquendo Filorum carneorum crassities ferme eadem omnibus in animalibus *Muyso* visa sit (y). Verum quidem est, quod admodum difficulter in tam stupenda filorum carneorum tenuitate differentia notabilis.

tabilis reperiri possit; attamen ratio suadet aliquam dari debere, quandoquidem in varia animalium ætate ac incrementi gradu crassities illa ut differat necesse est. *Muysius* (z) præterea Filorum carnearum crassitiem contulerat cum globulis rubris sanguinis, & reperit illorum ad hanc rationem esse, ut 5: 18., unde concludit, quod, licet si globulus ruber sanguinis in 46. partes æquales divideretur, singulæ istæ particulæ nimis magnæ forent, quam ut per fila carnea, si instar vasorum excavata essent, trannare valerent. Quæ *Muyfiana* ratio valere omnino potest, quia in meis experimentis maxima globuli rubri sanguinis diameter comparata cum diametro fili carnei se habere videbatur ut 8. vel 7. ad 1.; unde facile intelligitur filum carneum a globulo rubro sanguinis superari in crassitie vicibus inter quadraginta & sexaginta.

Nu-

Numerus filorum carneorum in diversis fibris muscularibus multum ut differat oportet, quum fibræ ipsæ multum in crassitie sua diversis in animalibus, quin imo eodem etiam in subjecto differant; non vero item Fila carnea. Fit adeoque, ut sæpe in mediocri Fibra musculari hominis centum & ducenta etiam Fila carnea contineantur, quæ proinde in Fibris aliorum animalium duplo, triplo, aut quadruplo crassioribus ad duplam, tripplam & quadruplam quantitatem adscendunt.

In Filorum carneorum transversim sectorum areolis, seu sectionibus nullum alicujus cavitatis indicium observare potui, neque in conspectis secundum longitudinem suam Filis; ita ut hæc Fila carnea solida, non vero more vasculorum cava, esse persuadeat.

Neque ullum amplius divisionis ulterioris vestigium in Filis carneis occurrit, quod doceret, ea nondum ultima esse, sed

ex pluribus aliis longe tenuioribus in vagina aliqua iterum inclusis constare, ut *Leeuwenhœkium* supposuisse jam antea monui. Omnino in tanta exilitate, quam Fila carnea habent, de ulteriore eorum divisione nihil per sensus judicari potest, licet minimis & exquisitissimis lentibus utaris. Verum analogia hoc in casu uti amant Auctores, qua ad ea, quæ sensibus quomodocunque armatis se pertinaciter occultant, concludunt. Hanc si ad Fila carnea applicare velimus, sequens fluet argumentum: Sicut Fibræ musculares bovis, quando eas ab invicem separatas in spiritu vini fluctuantes nudo oculo contemplamur, vix non eandem cum Filis carneis tenuitatem habent, & ideo nudo oculo singulas Fibras musculares ex tot Filis carneis constare videre non licet, potest tamen hoc fieri lentis auxilio: ita etiam est cum Filis carneis, quæ tenuissima adparent per lentem etiam exquisitissimam, nihilominus tamen possunt iterum ex plurimis subtilissimis filamentis

mentis constare, ultra non discernendis, nisi adhuc multo major possibilis foret eorum per lentem augmentatio, quæ non simul ea ratione, qua magnitudinem objecti auget, obscuritatem & distinctæ visionis impedimentum afferret. Sed oportet ut analogia etiam suos agnoscat limites, cum ratio ipsa dicat debere tandem dari finem, ne processus in infinitum sequatur. Finem muscularis divisionis in Filis carneis ponendum esse cum *Miyō* (a) existimo. Quamvisque in plurimis animalibus Fila carnea ejusdem propemodum crassitie esse videantur, non est propterea credendum, habere omnium animalium Fila carnea determinatam suam ac essentialem crassitiem; est enim possibile, ut multo tenuiora existant, quia Embrio suo in primordio Fila carnea stupendæ plane subtilitatis habeat necesse est, quæ successu ætatis primo ad ordinariam crassitiem deveniunt. Et dantur animalcula

Proch. Tract.

D

Eha

(a) l. c.

chaos infusorium constituentia , quæ etiam summo in suo incremento toto suo corpusculo multum non superant Fili carnei crassitiem , nihilominus tamen moventur alacriter & expedite , ad quod ea habere oportet musculos subtilissimos , & Fila carnea tantæ tenuitatis , quæ imaginationis nostræ vim omnem superat ; nisi iis a natura aliis motoriiis machinis , a nostra musculari plane diversis , provisum fuerit. Præterea , dum Filorum carneorum ulteriorem divisibilitatem negamus , non est credendum nobis Fila carnea & & Fibras elementares unam eandemque rem esse : Fibras enim elementares ex terrestribus elementis intercedente medio glutine unitis constare , & ex his in latitudine sibi accumbentibus membranas formari vulgo dicitur , quæ in se convolutæ minima vascula efficiant ; ab his omnibus inter se complicatis unicum Filum carneum fabricari quidem concedimus , quod tamen hoc sola tantum imaginatione & nequaquam sensibus assequi liceat , affirmantes.

CAPUT IV.

De rugis, quæ & in Fasciculis fibrarum muscularium & in Fibris muscularibus ipsis & denique in Filis carneis deteguntur.

Rugas transversas tam in vivorum quam mortuorum animalium musculis, Corde, Diaphragmate &c. viderant *Winslowus* (c) & *Hallerus* (d), pluribusque aliis procul dubio hoc phænomenon occurrerit in recens mactatorum animalium adhuc palpitante carne. In carne etiam jam pridem mortuorum animalium similes rugæ formantur, dum extrema musculi data opera sibi apprimuntur, ut brevior latiorque fiat. Idem succedit in musculo crudo quando fasciculos Fibrarum muscularium ab invicem diducere conamur.

D 2

Cujus

(c) Expos. anat. Tom. II. Nro. 48.

(d) Elem. Phys. Tom. IV. Lib. XI. Sect. I.
§. IV.

Cujus quidem phænomeni ratio tam obscura non est, ut intelligi nequeat. Notum enim est dari fila cellulosa cum arteriis, venis, nervisque ubique inter Fibrarum muscularium fasciculos ex transverso intercurrentia, quæ nonnullis Auctoribus pro fibris muscularibus transversis imposuere. Hæc filamenta dum paulo magis tenduntur, fibras & fibrarum muscularium fasciculos, quos decussant, flectunt ita, ut hic attollantur, ibi vero deprimantur, & in rugas transversas crispentur. Similes transversæ rugæ sed valde elegantes & a filis cellulosis transversim decurrentibus productæ conspiciuntur in tendinibus musculorum & tenuibus nervorum fasciculis, quæ tamen evanescunt, quando nervus aut tendo paulo magis extenditur, perinde ac in fasciculis Fibrarum muscularium. Notandum est, quod illæ transversæ rugæ tunc tantum appareant, quando fasciculus in facie sua latiore conspicitur; quando vero facie sua angustiore visui sistit, rugæ illæ transversæ esse desinunt,

&

& serpentinæ adparent, quarum specimina in *Tab. V. fig. I. II. III. IV.* videnda sunt.

Præter illas fasciculorum muscularium rugas haud raro, maxime si caro cocta fuerit, ipsæ Fibræ musculares rugas habent, quæ eodem modo in Fibrarum facie latiore transversæ sunt, & in angustiore facie serpentinæ. Non sunt semper & ubique per totam Fibræ longitudinem æquales magnitudine ac numero, sed contingit, ut alibi sint frequentiores, & alibi rariores; iterum quandoque profundiores, & quandoque magis superficiales, quare fit, ut interdum certo in situ collocatæ Fibræ videantur quasi ex quadam serie vesicularum aut articularum compositæ. Cujus rei clarior idea ex *Tab. V. fig. V. VI. VII. VIII. usque ad XIX.* hauriri potest.

Fibra muscularis, quæ sive mox ante dictas rugas habeat, sive non, attente ope lentis objecta multum augmentis examinata, visitur striis plus minusve transversis albis

variegata , ut in *Tab. IV. fig. XII.* exhibentur , quæ nil aliud sunt , quam profundiora vestigia a vasis , nervis & filis cellulosis Fibram circumdantibus & ejus vaginam perreptantibus impressa. His rugis multum occupatum fuisse *Leeuwenhækium* patet ex ejusdem *Operum omnium Tom. I. Part. I. Epist. 3. & Part. II. Epist. 5.* ubi circulares Fibrarum muscularium rugas describit , pingitque sat ruditer. In *Tom. III. Epist. I. fig. 6. & 7.* in fibris balenæ accuratius & ipsi naturæ conformius a pictore expressæ sunt nec animadvertente , ut videtur *Leeuwenhækio Tom. III. Epist. XII. Tab. ad pag. 114.* posita *fig. 5. 6. 7. &* in pluribus postea adhuc murium ac pullicum fibris rugas illas non circulares , sed spirales esse affirmavit , seductus quidem propria hypothese , qua contractionem Fibræ muscularis per auctas illas spirales rugas , relaxationem vero per eas evanescentes explicare adnifus est. In hac explicatione tantopere sibi complacuit , ut veram omnino esse crederet , &
in

in fine dictæ epistolæ exclamaret : „ An
„ modo non liceat exclamare ; jam extri-
„ catus est modus , tot disputationibus
„ contrariisque scriptis exagitatus „ Ex
istis transversis Fibrarum muscularium ru-
gis (e) luculenter patet , quare nam
etiam Fila carnea Fibram componentia
sæpissime serpentum in modum flexa sint ,
ut in *Tab. IV. fig. XIII.* videre licet , ubi
Fibra muscularis humana sua vaginula ut-
cunque orba per exquisitissimam lentem
conspecta pingitur. Præter has majores
Filorum carneorum rugas aliæ adhuc mi-
nores in iisdem Filis deteguntur , ut in *Tab.*
IV. fig. XIV. ostenditur , & quæ minores
Filorum carneorum rugæ etiam in *Tab.*
IV. fig. XV. XVI. sequeatim exprimuntur
serpentinæ , quod perinde ac in Fibris mus-
cularibus observatur , quando Fila carnea
ex latere conspiciuntur , quando vero ab al-
terutra facielatiore ea intuemur , occurrunt
rugæ transversæ , quæ Fila carnea in plu-

D 4

ri-

(e) vid. *Tab. VI. fig. XII.*

rimas ac minimas vesiculas , seu globulos in una serie locatos distinguunt, ut in *Tab. IV. fig. XVII.* patet. Filorum carneorum rugas *Robertus Hooke* (f) & *Antonius de Haide* (g) observarunt , omnium autem elegantissime a *Muyfio* (h) expressæ fuerunt.

Quod causam istarum rugarum , quæ tum in Fasciculis fibrarum muscularium , tum in Fibris muscularibus ipsis , & Filis carneis observantur , concernit , id jam in principio hujus Capitis attigi, ubi dixi, a
fi-

(f) Epist. ad *Leeuwenhœkium* scripta ; sed tantum rugas transversas vidit , quia fila carnea quasi ex margaritis seu corallis co-
alita videri dicit.

(g) *Experim. circa Sang. miss. & fibras motrices* *Tab. ad pag. 31.* (fig. G. H. vidit rugas serpentinas & transversas.

(h) *De fabr. carnis musc. Dissert. I. cap. III. Tab. I. fig. 16. 17.*

filis cellulosis, arteriis, venis, & nervis Fasciculos fibrarum muscularium decussari, & alternatim sæpe ita stringi, ut in serpentinis flexus agantur: idem fit in fibris muscularibus & filis carneis, quæ simili prorsus modo a filis cellulosis vasculosis & nerveis percurruntur, & decussantur. Quando præprimis coctio accedit, tunc dicta fila cellulosa, vasculosa & nervea abbreviantur magis ac tenduntur, & Fasciculis fibrarum muscularium, Fibris muscularibus ipsis, ac Filis carneis, quæ percurrunt, vestigia imprimunt, & in serpentinis flexus ac rugas transversas plicant. Multoties hujus rei exempla in coctis musculis videram, & ad *Tab. IV. Fig. XX.* specimen exhibui.



CAPUT V.

Quo ostenditur, qua ratione omnis generis vasa nervique Musculos adeant perrep- tentque.

Vasorum tam arteriosorum quam veno-
forum lymphaticorumque & ner-
vorum ad musculos pergentium genera-
lem descriptionem, qualis scopo nostro sa-
tisfacit, dedere sufficientem longe Celeber-
rimi Anatome Albinus (i) & Halle-
rus (k), qua meliorem me dare non
posse video toties, quoties naturam ipsam
consulere aggredior. Plures omnino arte-
riarum trunci, qui iterum rami vicinorum
majorum arteriosorum truncorum sunt,
plerumque ad unum etiam musculum ac-
cedunt & quidem diversis in locis, per
cu-

(i) Hist. Muscul. hominis Lib. I. cap. I.

(k) Elem. Phys. Tom IV. Lib. XI. Sect. I. §.
IX. X. XI. XII.

cujus extimam vaginam in majores ramos diramati sæpe inter se communicant, & cum septis vaginæ muscoli externæ inter Fibrarum muscularium fasciculos se insinuando continua in minores & minores ramos divisione usque ad Fibrarum muscularium vaginas pertingunt, & ex his intra Fila carnea Fibras musculares componenda immerguntur, eaque undique perreptant. Sic ergo arteriæ ex vagina muscoli communi per ejus septa intra muscoli substantiam usque inter Fila carnea conducuntur. In hoc decursu continuo crescit ramorum tenuitas ac numerus, ita ut Fibræ musculares non tantum, sed etiam Fila carnea tota sua longitudine arteriis circumdata & decussata sint. Frequentibus præterea anastomosibus inter se iudunt in toto isto itinere. Quod tandem fines arteriarum cum principiis venarum uniantur non minus ratio quam experientia docet; videtur autem hoc ita fieri: ut ultimæ arteriolæ rubræ venis rubris, & serosæ serosis, & deinde tenuio-

res adhuc humores vehentes arteriolæ similibus venulis inosculentur. Quid vero arteriarum & venarum in constructionem ac nutritionem Filorum carneorum impendatur, hoc per experientiam liquido constare non potest, ob stupendam plane rerum subtilitatem omnem sensuum aciem fugientem. Ut præterea exemplum aliquod diramationis arteriarum per substantiam musculi darem, iconem *Tab. VI. Fig. V.* addidi, in qua arteriæ eousque delineatæ habentur, quousque nempe ingens arteriolarum tenuitas subtilissimam licet injectionis materiem admittere poterat.

Venæ porro, tali modo arteriis continuatæ, ex musculo redeunt ea ferme ratione, qua arteriæ ad musculum accedebant, & valvulis gaudent in omnibus fere musculis, Corde, Ventriculo, & Intestinis exceptis.

Vasa

Vasa lymphatica ex musculis exire quoque visa sunt, quæ ex cellulosa tela extravasatam per poros arteriarum lympham, ne nimia ibidem accumuletur, resorbent, & in circulum sanguinis iterum revehunt.

Nervi plures ad majores & longiores musculos accedunt, quam ad minores & breviores, quos sæpe tantum unicus truncus nerveus adit. Si cum visceribus comparatio fiat, tunc ad musculos plures & crassiores nervorum trunci veniunt, quam ad viscera. Suo decursu & ramificatione arterias propemodum imitantur, & fasciculos Fibrarum muscularium ad varios angulos secant, brevique præ tenuitate ante oculos evanescent, nec ullo amplius artificio oculis sistendi; unde de ultima nervorum in musculis constitutione per Anatomem certi nihil affirmare licet.

CAPUT VI.

Sistens adnotationem in structuram muscularem Cordis, Ventriculi, Intestinorum & Vesicæ urinariæ.

Vidimus quomodo musculorum voluntariorum, de quibus præcipue hucusque sermo mihi fuerat, caro ex fasciculis fibrarum muscularium, & hi ex Fibris muscularibus, hæque iterum ex Fillis carneis componantur. Omnium autem harum ventris muscoli voluntarii partium situs ac directio ita se habet, ut ordinato ac parallelo situ sibi accumbant per totam ventris muscoli voluntarii longitudinem (1). Aliter hæc ordinare placuit providæ Naturæ in musculis cavis, quales Cor, Ventriculus, Intestina, & Vesica urinaria sunt. In Corde Fasciculi musculosi majores & minores, ex quibus illi com-
po-

(1) vid. Tab. I. fig. I. II. III. Tab. II. fig. II. Tab. IV. fig. XIII.

ponuntur, quidem sunt, quarum tamen divisionum numerus certus æque difficile ac in voluntariis assignari potest. Ast hoc peculiare habent, quod in tota sua longitudine ab aliis vicinis ita separati & paralleli non decurrant, ut quidem in musculis voluntariis faciunt; sed frequentibus anastomosis inter se concatenati rete quasi aliquod constituent, seque multoties & in varium sensum decussent (m). Fibræ musculares in Corde nullæ sunt, ut in musculis voluntariis, sed fasciculi musculares minimi, qui crassitiem Fibrarum muscutorum voluntariorum longe superant, ex Filis carneis compositi sunt, crassitie a Filis muscoli voluntarii nihilo diversis (n). In Vesica urinaria tunica muscularis quoque similibus reticulatis fasciculis muscularibus constat; Fila autem carnea eadem cum Filis carneis Cordis &

(m) vid. Tab. VI. fig. II. III.

(n) vid. Tab. VI. fig. IV.

& musculorum voluntariorum sunt, quæ inter se concatenata non sunt neque in Corde neque in Vesica urinaria uti fasciculi musculares, sed sibi mutuo tantummodo adjacent. Oesophagi, intestinorumque tunica muscularis duplici strato musculari composita est: uno videlicet longitudinali, & orbiculari altero, quorum quodvis pluribus fasciculis muscularibus constat majoribus minoribusque. Nec obscuræ Fibræ musculares, sed crassiores quam in voluntariis musculis ibidem reperiuntur, quæ hincinde inter se conjunctæ sunt ac concatenatæ quemadmodum fasciculi ipsi, sed rarius quam in Corde & Vesica urinaria id deprehenditur. Inter fila carnea Intestinorum, Cordis, & musculorum voluntariorum, differentia quoque non datur notabilis.

Diversitatem illam in carne Cordis & aliorum musculorum voluntariorum advertit *Leeuwenhæk*: quod videlicet fasciculi musculares in musculo voluntario concinno ordine sibi mutuo adjaceant; dum
inte-

interim in Corde frequentissimis laterali-
bus quasi ramis inter se communicant ac
concatenantur, quam rem latius descri-
psit & figuris eleganter illustravit (o).
Ast talem ab ea fasciculorum concatena-
tione inter illos sibi imaginatus est dari
consensum, ut nequeat etiam minimus fa-
sciculus discindi aut rumpi, quin omnes
reliqui, & totum Cor in actione sua tur-
betur, imo sufflamminetur. Reticulatam
istam fasciculorum muscularium structu-
ram in Corde, Ventriculo, Intestinis, &
Vesica urinaria plurium animalium inve-
nit & descripsit *Muysius* (p), qui præter-
ea ad mox citati operis finem fuso & sa-
tis obscuro sermone probare adnissus est,
quantopere reticulata illa fasciculorum
muscularium structura ad diastoles & sy-
stoles Cordis producendas apta, quin imo
necessaria sit. In hac quidem re singulare
quoddam naturæ mysterium quærendum

Proch. Tract.

E

mi-

(o) Op. omn. Tom. IV. Epist. 82.

(p) de fabr. muscul. Cap. I.

mihi non videtur, unde actio Cordis, Intestinorum, Ventriculi, & Vesicæ urina-
riæ explicanda foret; sed hac de causa so-
lummodo id natura molita fuisse videtur:
quod reticulato illo fasciculorum muscula-
rium opere firmiores parietes cavis illis
musculis contexere voluerit. Nam si Cor-
dis musculares fasciculi recto & parallelo
decurfu a basi ad apicem usque tenderent,
nec inter se concatenati essent, quemad-
modum in musculis voluntariis observa-
tur, fieret, ut sanguis, qui in cavis Cor-
dis urgetur, internam Cordis tunicam in
fasciculorum muscularium interstitium ex-
truderet, & iisdem magis magisque ab in-
vicem separatis faccum, seu herniæ spe-
ciem efficeret. Quod cum in tanta vio-
lencia, qua Cor sanguinem e suis cavis
exire cogit, brevi certoque contingeret,
præcavit natura fasciculos musculares mul-
tiplicis retis ad instar itidem concatenando,
& multiplici fasciculorum illorum decussa-
tione tam robustos Cordis parietes effici-
endo, ut illud infortunium minus metu-
en-

endum foret. In Vesica urinaria similes fasciculorum muscularium concatenationes sunt, minus quidem frequentes quam in Corde; nihilominus tamen quandoque fit, ut in Vesica urinaria nimium expansa aliqubi fasciculi musculares ab invicem nimium distent, & sit præsto hiatus, per quem interna Vesicæ tunica ab urina contenta extrudatur, & herniam seu saccum constituat, in quo urina, & ipsi quandoque calculi delitescunt. In Intestinis & Ventriculo duplex stratum musculare est se mutuo decussans, unde iam multum illi vitio præcautum est, & ideo etiam pauciores fasciculorum muscularium concatenationes ibidem reperiuntur.





SECTIO II.

Actionis musculi theoriā novā complectens.

CAPUT I.

Quo mechanismus contractionis musculi in ejus structura fundatus proponitur.

Dum in structuram carnis muscularis diu ac sæpe inquirerem, eamque semper talem, qualem in præcedente Sectione ostendi, deprehenderem, sæpenumero mecum cogitabam, quinam ergo fieri possit, ut ista machina tales edat motus, quales a musculis fieri videmus? Comparavi cum illa musculi fabrica omnes ab Auctoribus ad explicandam actionem musculi prolatas hypotheses, quarum multæ contra musculi veram structuram pugnabant, multæ vero alia de causa satisfacere non potuere. Fila carnea, in quæ ultimo omnem mus-
seu-

sculum resolvi diximus, sunt Fila solida, nulla cavitate donata, præter poros, quibus sine nullum corpus datur; cessat ergo per se omnis opinio, qua Fibra muscularis ultima, seu potius Filum carneum a sanguine, vel liquido nerveo, vel utroque in Filo carneo accumulatis inflari & abbreviari statuitur. Si solidum Filum carneum ea proprietate a natura pollere dicere velis, qua accedente aliquo stimulo se abbreviare possit, rursusque relaxare, ubi stimuli vis abfuerit (quæ proprietas nomine irritabilitatis venit), tunc unicuique ingenuo Philosopho talis explicatio ac phœnomeni ratio sicca, & minime ex voto satisfaciens apparere debet. Certe, si interrogatus, quare musculus irritatus abbreviatur & contrahatur? respondeas: quia irritabilis a natura factus est; non dixisti plus, quam quando interrogatus, quare nam Ventriculus alimenta concoquat & cocta in intestina expellat? dixisses: quia Ventriculo est a natura indita qualitas aut facultas crudorum concoctrix, & cocto-

rum expultrix. Hi termini phœnomenon tantum baptizant, minime vero quoad causas suas explicant. Non possunt quidem jure criminari inventi illi varii termini, quibus phœnomena causarum occultarum solummodo indicantur eousque, donec veræ causæ detegantur; tantum iis tantopere acquiescendum non est, ut præterea nihil ultra quærat, nec de causis phœnomenorum obscuris detegendis, quantum fieri potest, ultra cogitetur.

Quapropter contractionis musculi causam aliquam mechanicam in ipsa jam detecta musculi structura latere suspicanti tandem sequentia in mentem incidere: Vasa arteriosa venosaque in Sectionis præcedentis capite quinto diximus plura variis in locis ad musculos accedere, in hosque se se inter Fibrarum muscularium fasciculos tam majores quam minores immergere, tandemque inter ipsas Fibras musculares transversim reptando ad vaginas Fibrarum muscularium proprias continua ramificatione pervenire, ex quibus plurima adhuc & sub-

subtilissima vascula inter Fila carnea intrant, eaque transversim decussando perreptant eodem prorsus modo, quo inter Fibras musculares decurrebant. Nunc si advertamus, quod vasa sanguinea non solum, verum etiam ea, quæ tenuiores ac excolores humores solummodo admittunt, possint sua in capacitate mutari ita, ut a copiosioribus affluentibus ac intus accumulatis humoribus in majores diametros expandantur, & e contrario, dum minor humorum copia minoreque vi in eadem vasa urgetur, oporteat illa propria elasticitate magis contrahi, inque minores diametros redigi, quæ res per multas alias ac certas observationes in corpore animali quam evidentissima est; si demum consideremus, fasciculos Fibrarum muscularium sibi fat arcte adjacere, & non nisi in obesis per pinguedinem aliquam nonnihil ab invicem removeri, fasciculos vero Fibrarum minores, & ipsas Fibras, Filaque carnea semper arcte inter se connecti, & in vaginis inclusa sibi mutuo adjacere; sequitur neces-

fario: quòd vasa inter Fibras musculares & Fila carnea intercurrentia humoribusque plus minusve turgida tam Fila carnea quam Fibras musculares abinvicem removeant, &, cum hoc fiat alternis in locis, in serpentinis flexus cogant. Si supponamus accumulationem humorum primo fieri in vasculis minimis subtilissima Fila carnea intercurrentibus; fiet, ut Fibra muscularis, qualem ad meliorem rei intellectum in *Tab. VI. Fig. VI.* pictam exhibui, ex longitudine *a. b.* in longitudinem *b. c.* accurteretur, quia Fila carnea Fibram illam muscularem componentia a vasculis intercurrentibus in serpentinis flexus coacta sunt, adeoque fibram parte *a. c.* breviorē reddidere. Quia postea inter Fibras musculare crassiora vascula intercurrunt, in quibus etiam humorum accumulatio postmodum oritur, hæc quoque in majores diametros expansa Fibras musculares sibi adjacentes pluribus in locis abinvicem separabunt, serpentinumque in modum flectent, quod in *Tab. VI. Fig. VII.* exprimere volui, ubi

tres

tres Fibras musculares pinxi, quæ ob Filam suam carneam jam flexuosam redditam abbreviatæ erant usque ad *a. b.*, sed ab intercurrentibus vasis, magisque humore turgentibus, in majores flexus coactæ, & usque ad *b. c.* accurtatæ sunt, quæ jam dimidia tantum longitudo est Fibræ *a. b.* in Figura præcedente. Deinde adhuc possibile est, ut etiam majora adhuc vasa in interstitiis minimorum fasciculorum fibrarum muscularium decurrentia, eosque plus minusve ex transverso secantia, eosdem fasciculos ex pluribus Fibris muscularibus compositos simili modo alternatim ac serpentum more inflectant, & ventrem musculi adhuc breviorum reddant. Inter majores Fibrarum muscularium fasciculos seu lacertos qui a interstitia maxima sunt, sæpeque pinguedine referta; videtur spatium sufficiens adesse pro dilatandis vasis intercurrentibus, quin inde necesse sit flecti grandiores Fibrarum fasciculos.

Ex hac itaque musculi structura patet, posse, imo debere a vasis minimis & plu-

plurimis inter Fila carnea ex transverso intercurrentibus, & a vasis majoribus inter Fibras musculares reptantibus, & rursus a vasis majoribus fasciculos musculares minimos decussantibus, Fila carnea, Fibras musculares, Fasciculos fibrarum muscularium minimos, & consequenter totum muscoli ventrem abbreviari, ubi sanguis copiosior in dictis vasis congestus fuerit. Unde etiam, dum humorum copia ibidem imminuitur, dicta fila, fibras, & fasciculos ex flexibus suis magis in rectitudinem restitui, ventremque muscoli hac ratione elongari ambigi non poterit. Videndum ergo solummodo est, quinam fieri possit, ut humores in vasa muscoli subito copiosiores allici possint, moxque iterum abire; & deinde, num hæc theoria phœnomenis circa musculorum actionem observatis respondeat; nec ne.



CAPUT II.

De congestu humorum in vasis ab irritatione nato.

Quaquam Cor sanguinem ex suis cavis in omnes corporis partes indifferenter projiciat, quo eæ munere suo fungi conservarique possint, est tamen singulis partibus aliunde adhuc data facultas, qua humores copiosiores ex communi sanguinis Circuitu aliquo stimulo irritatæ ad se invitant. Hæc veritas omnibus perquam notissima innumeris fere observationibus indies confirmatur, quam si quis ex professo pertractandam suscipere vellet, integrum volumen facile replere posset; ad nostrum tamen propositum aliquas solum observationes adduxisse sufficiet.

Imprimis neminem latet, quomodo *adnata* oculi tunica mox rubeat, & lacrymarum in oculum affluxus augeatur, quando quodcunque heterogeneum ac irritans corpus in oculum incidit, seu pulvis sit, seu

feu arenula, feu fumus, feu quidcunque aliud. Ad cavum narium in goryza magnus affluxus humorum fit, ubi membrana Schneideriana acri humore perpetuo irritatur. Salivæ ac roris arteriosi in cavum oris ingens copia adfluit a folis acribus quibusdam corporibus, ut sal, aroma quodcunque, fumus tabaci &c. sunt, ore retentis. Quanta humorum quantitas in Ventriculum & Intestina derivetur per irritationem tunicæ villosæ, docent vel sola medicamenta purgantia. Sola frictio cutis transpirationem ejus promovet, & ruborem tumoremque ei conciliat. Idem ei præstant ignis, aut alia acria, ut cantharides sunt, applicita. Lenissima papillæ mammæ frictio ac titillatio, eam assurgere & rigere facit. Exigua spina cuti infixæ ruborem & inflammationem producit. Haud infrequentes inflammationes producuntur a quacunque materie acri quemdam in locum corporis deposita. Non solus acer quidam stimulus similium phænomenorum auctor est, sed ipsa nervorum ab anima affe-

affectio sufficiens irritamentum esse potest, ut quandam in partem major humorum quantitas alliciatur, quam lege circulationis allata fuisset. Gaudium, pudor, ira sæpe subito rubro colore faciem perfundunt. Dolor animi oculis ruborem conciliat & lacrymarum copiosissimum profluvium. Crista collumque galli indici (*) sanguine copioso farcitur, quotiescunque ira aut superbia animal hoc exagitur. Animi affectus in secretiones omnestale imperium habent, ut eas augere, minuere, & plane sistere valeant. A copiosiorum humorum in vasis iridis congestione pupillam stringi, ab eaque imminuta pupillam dilatari certe vero quam simillimum est, quoniam fibræ musculares in iride nullæ reperiundæ sunt. Erectio penis & clitoridis a copiosiore sanguine in eorundem cavernis congesto provenit, quæ non musculis, quia voluntati non obsequitur, sed nervis penis & clitori-

(*) *Meleagris gallopavo* Linn.

ridis in acceptis referenda est, sicut & nervis ciliaribus a retina foco lucis percussa in consensum vocatis motus pupillæ debetur. Nervi penis irritati a copia urinæ, seminis abundantia, cantharidum usu, acri gonorrhæica materie, & pluribus similibus frequentes erectiones faciunt; sed idem a sola lubrica idea, ab adspectu aut tactu objecti amabilis.

Omnia ista multaque alia his similia phænomena plus minusve nervis debentur, qui a quacunque causa immediate aut per consensum irritati, aut pathemate animi agitati valent efficere, ut in partem quandam corporis humores copiores congerantur; quod sive propterea fiat, quod arteriæ plus humorum advehere incipiant, seu quod venæ refluxum tardent, seu quod fiat utrumque, aut quidcunque demum illud sit, perinde est, semper enim verum manet, nervos illam humorum accumulationem mediate aut immediate producere. Ast sicut fere nihil intactum relinquit

linquit ingenium humanum, omniaque penetrare cupit, ita etiam hoc naturæ mysterium enodare conati sunt ingeniosissimi Viri, inter quos præcipui *Vieussens* (r), *Vyth*, *Albinus* (s), *Hallerus* (t), *Mekel* (u), *Winterl* (v) fuere. Tentarunt autem istud phænomenon sequentibus præcipue modis explicare: vel quod nervi in arteriis partibus irritatæ validiores ac frequentiores causent systoles ac diastoles, ut sic plus sanguinis per eas advehi debeat, quam per venas revehatur; vel quod nervi suis ansis pluribus arteriis ac venis circumjectis constringendo aut remittendo plus aut minus humorum ad partes fluere vel refluere concedere valeant, quam sententiam *Hallerus* postea revocavit, ex eo, quod nervos sensi-

(r) Novor. Syst. vas.

(s) Acad. adn. desperavit de causa erectionis penis inveniendæ.

(t) de nervor. in art. imperio.

(u) de nervis faciei.

(v) Theoria inflammationis novæ.

sibiliter contrahi posse nullo viderit experimento ; vel quod solummodo in principiis venarum tales laquei nervei sint , qui refluxum sanguinis ex parte tardare & interciperé possint. *Cl. Winterl* sententia fuit, quod arteriæ ab applicito sibi stimulo dilatentur sponte, & majorem humorum copiam admittant. Quomodonam istud nervorum in vasa animalia & humores contentos imperium explicandum sit, ego definire non possum, neque scopus meus id postulat, sufficit mihi, quod certum sit per observata, ab irritatione & pathematibus , ut ita dicam , nervorum posse in diversas corporis partes humorum majorem copiam derivari, quam lege circulationis illuc advecta fuisset ; unde concludo : posse etiam fieri , ut sola voluntate mentis contrahendi musculum nervi ad eundem pergentes ita afficiantur , ut quoque mox in illum musculus plus humorum derivent, quam paulo ante, dum laxatus esset , factum fuerat, musculumque modo in præcedente capite explicito contrahi faciant. Profecto, cum quonam

nam fundamento huic probabilitati diffidere possem, ignoro; quin imo de ea magis magisque persuadeor, cum proposita a me theoria phœnomenis contrahentis se musculi haud parum satisfacere mihi videatur.

CAPUT III.

In quo ad agentis musculi phœnomena explicanda nova theoria applicatur.

Certe in condenda theoria functionis cujuscunque visceris respiciendum est primo: ut ea conveniat fabricæ ejus non quidem fictæ, sed demonstratæ; deinde ut phœnomena, quæ viscus in functione sua sponte producit, aut ars experimentis extorquet, facile & apte explicari possint. Primam præcautionem qui observaverim, patuit ex præcedentibus capitibus, nunc etiam alteri pro viribus satisfacere conabor.

Præcipua phœnomena circa actionem musculi observata, ut ex *Ill. Halleri scriptis de partibus corporis humani sentientibus & irritabilibus* patet, sunt sequentia:

1. Musculus in actione sua tumet, riget, & abbreviatur.

2. Non pallet.

3. An mole augetur?

4. Rugas & plicas in superficie sua acquirit.

5. Robur habet immensum.

6. Ad hanc actionem excitantur naturaliter musculi voluntarii imperio animæ; musculi vero naturales & vitales stimulo sanguinis, aut chili, fœcum, urinæ, bilis &c. quum in eos anima immediatum imperium non habeat.

7. Omnis musculus, seu voluntarius seu naturalis seu vitalis sit, contrahitur, si ejus nervus aut caro ipsa nuda quocunque mechanico stimulo, aëre etiam, & scintilla electrica, irritetur.

8. Ligato, compresso, aut abscisso nervo, qui solus ad musculum pergit, mox
im-

immobilis est ad omne voluntatis imperium musculus voluntarius.

9. Neque contrahitur, licet quomocunque nervus supra ligaturam aut absectionem irritetur.

10. Sed si infra ligaturam aut sectionem nervum stimules, contrahitur musculus non minus, quam si nervus integer & illæsus fuisset.

11. Etiam nervo absecto aut ligato nudata musculi caro, si irritetur ipsa, se contrahit nihilo pigrius, ac quidem illæso nervo fecisset.

12. Una cum nervo ex corpore exsectus musculus contrahitur, seu nervum seu musculum ipsum stimulo quodam sollicites.

13. Musculus in frustra dissectus licet fuerit, tamen singula frustra vi se contrahendi pollent dum irritantur.

14. Ab unica sæpe irritatione contrahitur aliquoties musculus, & palpitat, tremitque, donec decrescente oscillatione ad quietem redeat.

15. Si nervus tensus est, irritatio certius suum effectum producit, quam si nervus laxus sit.

16. Quanquam contractio musculorum suscitetur ab irritatis nervis vel musculis ipsis animali jam apparenter mortuo, nec ullum sensus indicium amplius præferente, tamen & hæc, vulgo irritabilitas musculorum dicta, diversis in animalibus diverso tempore perdurat, citiusque in aliis, & ferius iterum aliis emoritur. In genere dici potest quod musculis voluntariis citius pereat, quam naturalibus & vitalibus; in corde diutissime perstat.

17. Arteriæ trunco ligato, quæ ad musculus tendit, perit motus musculi sensim, non subito, ut fit ligato nervo; aliquando vero plane non cessat motus, et si cessaverit, tunc aperta ligatura iterum sensim redire dicitur.

18. Quando arteria vel etiam vena musculi injiciuntur, sequitur musculi tumor, rigor, abbreviatio, & motus artus etiam in cadavere.

Hæc

Hæc phænomena jam per novam theoriam explicanda veniunt.

Primum itaque phænomenon, ut per se clarum est, facile explicari potest: dum enim fila carnea & fibræ musculares in serpentinis flexus ex rectitudine sua aguntur, necessario abbreviari debet totus musculus & tumere, siquidem imminuta longitudine latitudo musculi augeatur. Quod rigeat durusque sit, ratio in eo est, quod intumescente musculi ventre vagina ejus extrema difficiliter cedens tendatur instar chordæ, ac duritiem sat notabilem musculo agenti conciliet.

Secundo quod musculus in actione sua non palleat, ut quondam creditum fuit, demonstravit experimentis suis *Ill. Hallerus* (x). Sed neque necesse est, ut musculus agens juxta nostram theoriam plus rubeat! Dixi antea (y) fila carnea fere quadrage-

F 3

fics

(x) Elem. Phys. Tom. IV. Lib. XI. Sect. II. §. XXI.

(y) Sect. I. cap. III.

fies & sexies globulo rubro sanguinis tenuiora esse; horum filorum interstitia, per quæ vascula decurrunt, adhuc minora sunt; patet ergo longe tenuiorum humorum, quam ruber sanguis sit, inter fila carnea congestione eorundem plicas & fibræ accurationem causari debere, atque adeo ruborem majorem in musculo contracto expectandum non esse. Verum, dum musculus fortiter agit, vascula, quæ fibras musculares interfecant, jam sanguineos globulos vehentia, suo allecto copiosiore humore turgent quidem quoque magis & fibras musculares flectunt; sed inde non sequetur tantus vasorum infartus, ut in externa musculi superficie observatoris sensibus notabilis evadat. Si ponas singula illa vascula vix parte capilli humani ampliora fieri, jam adjacentes fibras a se removebunt & flectent, cumque hoc fiat in innumeris locis per totam fibrarum longitudinem, abbreviabuntur fibræ notabiliter, quin in singulis vasculis notabilis Observatori intumescencia & infartus obtinuerint.

Ter-

Tertio. Nondum definitum est, an musculus in actione sua constitutus reipsa molem majorem acquirat. Alii voluerunt molem eandem perstare, & abbreviatam longitudinem aucta diametro compensari; alii molem nonnihil augeri; & alii iterum eam imminui, manifesto argumento, non debere esse magnam differentiam, de qua disceptatur: num si sit; nec ne. In theoria, qua contractionem musculi a congestu majore humorum in vasis ejus explicamus, necessario moles musculi aliquantum augeri debebit, sed non multum, quia certe pauca humorum copia requiritur, ut vasa musculi humoribus jam plena paululum magis inflentur, quod ad fila carnea fibrasque musculares flectendas ac abbreviandas jam sufficit. Adeo parvum molis discrimen in experimentis institutis Auctoribus observari non potuit.

Quarto. Rugæ in superficie musculi contracti nudis oculis conspicuæ debentur filis cellulosis vaginæ extimæ, tensis magis agente & tumente musculo, quam eodem

relaxato; ea enim tunc fasciculos musculosos seu lacertos transversim strangulant quodammodo, & plicant, quasi horum longitudo ex pluribus particulis cohærentibus componeretur.

Quinto. Neminem latet immensum robur esse musculis, quum ejus effectus ingentes sint, quamvis plurimam virium partem in insertionem valde obliqua musculorum invectes proxime ad hypomochlia perire necesse sit. Stupendum istud robur omnino non repugnat teneritudini filorum carneorum, quia horum in unico musculo incredibilis plane multitudo datur, in quam si pondus movendum dividatur, non nisi perquam exigua ponderis particula unicuique filo sustentanda veniet. Sed etiam mechanica ratio in nostra theoria dari potest, quarenam musculis tantum in sua contractione robur competat? si enim e duobus funibus parallele sibi adjacentibus suspendis prægrande etiam pondus, hoc per exigua vi elevare poteris, ubi intra illos funes cuneum

neum intruferis, aut tantum duobus digitis eos abinvicem deducere tentaveris; ita etiam necessario fiet cum vasculis inter fila carnea & fibras musculares decurrentibus, quæ, ubi etiam exigua vi humores alliciente, paululum magis turgent, jam fila carnea & fibras musculares, inter quas ex transverso decurrunt, a se removebunt, flectent, & pondus levissimo negotio levabunt. Clarius res adhuc ex sequente jamque noto experimento intelligitur: si pondus etiam validissimum funi alligetur, is sola humectatione abbreviatur, & quidem tanta vi, ut validissimum etiam pondus inde attrahi videas. Ratio hujus phœnomeni clara est; siquidem humiditas in funem se insinuando & se ibidem accumulando, filamenta funem componentia abinvicem removet, inque majores arcus cogit, & funem propterea breviorē reddit. Exigua quidem ista vis est, qua aqua inter filamenta funis attrahitur, attamen tam apposite applicita, ut ejus effectus in abbreviando fune stupendus esse debeat. Sic etiam
iam

iam in musculo res se habet : exigua enim vis requiritur, qua humores in vascula intra fibras musculares & fila carnea decurrentia paulo copiosiores alliciantur, jam fibræ & fila carnea in majores flexus ac arcus cogentur, & musculus abbreviabitur tali vi, quali funem humectatum accurtari experimur. Est quidem musculus machina abbreviationi longe magis accommodata, quam funis ipse, nihilominus tamen juverit facilioris intellectus gratia hanc adduxisse paritatem.

Sexto. Hoc phœnomenon omnino bene in theoria nostra explicari potest. Nam nervi ad hoc indifferenter se habent, seu ab animæ imperio, seu a stimulo alio mechanico sollicitentur, semper in musculo, ad quem pergunt, congestionem humorum majorem causando contractionem producent.

Septimo. Ex hoc experimento clarum est, quod irritatio nervi mechanica eandem

dem mutationem in ipso nervo facere valeat, quam voluntatis imperium, siquidem nervo musculi voluntarii irritato musculus haud secus contrahitur, quam si voluntatis imperium adfuisset. Quod caro musculi nuda stimulo quocunque irritata quoque contrahatur, id nudis nervis per musculum distributis præ tenuitate tamen invisibilibus debetur, qui, seu in suo principio, seu in medio, seu in fine irritentur, semper eundem in musculo effectum edunt, videlicet humorum in vasis musculi majorem accumulationem, & musculi contractionem.

Octavo & nono. Hoc experimentum clarum est, siquidem via intercipitur, qua irritatio a voluntatis imperio aut alio stimulo oriunda ad musculum transire posset.

Decimo. Est certe pulcherrimum phenomenon, probans nervos vitam suam adhuc aliquo tempore conservare, posteaquam jam eorum cum cerebro commercium

cium seu ligatura seu sectione penitus interceptum fuit. Quæ cum ita sint, facile intelligitur ratio, quare nervo infra sectionem aut ligaturam irritato musculus adhuc contrahi debeat; per ligaturam enim aut per absectionem non tollitur subito vita nervis, sed tantum eorum cum cerebro commercium.

Undecimo. Hoc ex præcedente intelligitur: quum enim caro nuda irritatur, probabilissimum est, tangi quoque minima ac invisibilia nervorum fila, quæ cæteris muscoli nervis in consensum tractis congestionem humorum in vasculis fila carnea & fibras musculares perreptantibus efficiunt, adeoque muscoli contractionem,

Duodecimo. Hoc phænomenon ex decimo pro parte jam intelligitur; quoniam nervo una cum musculo ex corpore exsecto manet tamen adhuc sua vita, ob quam irritatus in minimis muscoli vasculis fila carnea interfecantibus congestionem humorum.

morum producere potest, adeoque musculi contractionem. Quare tamen illa humorum congestio fieri queat, quando jam exsectus musculus sanguinem a corde & communi sanguinis circulo ultra non acquirit, ratio est: quod musculus ille in suis tam majoribus quam minoribus vasis sanguinem adhuc contineat, qui facile non effluit, & hoc superstito liquido musculi contractio ad multas etiam vices iterari potest. Nervi enim irritati humores ex majoribus vasorum truncis in vascula minima fila carnea perreptantia congerunt, unde musculus contrahi necesse est; & ubi nervorum irritatorum actio desierit, humores in minimis vasculis congesti iterum minimorum vasculorum ac filorum carneorum elasticitate in majora vasa reprimuntur, postea iterum vi nervorum in minima vascula convocandi, ita ut isto suo itu ac reditu, alternam musculi contractionem ac relaxationem aliquot vicibus ad modum oscillationis fieri posse intelligamus.

De-

Decimo & tertio. Quod mox ante de toto musculo dixi, hoc etiam singulis frustis separatis applicari debet. Omni enim illi frusto sunt sui nervi, sunt vasa humores adhuc continentia, & sunt fila carnea ac fibræ musculares in concinno ordine locatæ & vaginis septæ. Adsunt itaque hic omnia ad actionem musculi necessaria, dummodo irritatio accedat.

Decimo quarto. Possibile est, quod nervi gaudeant tali proprietate, qua interdum irritationis factæ per vices quasi recordentur, & musculum sæpius contrahi faciant sine irritatione renovata; sed hoc in nervorum actione expendendum est.

Decimo quinto. Hoc phænomenon quoque potius nervorum actionem concernit.

Decimo sexto. Ad actionem musculi requiruntur ergo humores in vasis superstites, & vita in nervis. Hæc quorundam
ani-

animalium nervis pertinacius inhærere videtur, & ideo eorum caro diutius irritabilitatem suam conservat. Si humores ex vasis muscoli deperdantur, aut debitam suam fluiditatem amittant, peribit quoque tunc muscoli irritabilitas.

Decimo septimo. Hoc experimentum probat, quam necessarii sint humores in vasis muscoli ad ejusdem actionem. Cur subito non pereat post ligatam arteriam actio muscoli, ratio clara est: quoniam sanguis sub ligatura contentus pergit moveri ad musculum (nam detumescit & inanitur sub ligatura arteria) & illi humores, qui in vasis muscoli actu continentur, sufficientes sunt ad contractiones muscoli repetitas producendas, dummodo nervorum vis accedat humores majori copia in minima vascula inter fila carnea derivans, quando actio muscoli fieri debet, ut antea ad phœnomenon 12 & 13 dixeram. Quod aliquando experimentum non succedat, sed persistet in musculis motus, quorum arteriæ

li-

ligatæ fuerunt, arteriarum occultæ anastomoses, quas Observator advertere non potest, in causa esse videntur. Si attendamus, quod singuli muscoli multas, & diversis ex locis ortas arterias plerumque acquirant, videmus summam difficultatem imo impossibilitatem tollendi omnem sanguinis ad musculum commeatum, nisi musculus totus ex corpore excindatur. Ideo plerumque necesse fuit arteriam aortam descendentem aut arteriam humerariam ligasse, sed neque hic certi sumus, utrum non laterales aliqui rami sint, qui aliquam humorum copiam musculis ligaturæ subiectis advehant.

Decimo octavo. In cadavere vita nervorum jam periit, humores in vasis musculi quoque debitam forte fluiditatem amittere. Quando nunc injectione vasa musculi replere tentamus, materies injectionis ad vascula minima usque inter fila carnea decurrentia non penetrat, tamen autem vasa paulo majora dilatantur ab injecta

jecta materia, & fibras musculares filaque carnea flectunt ita, ut musculus contractionem suam naturalem quodammodo imitetur.

CAPUT IV.

Proponens solutiones quarundam difficultatum, quæ contra novam contractionis musculi theoriam moveri possent.

Difficultas prima.

Irritatus musculus subito contrahitur, irritata vero alia pars, v. g. adnata oculi membrana, cutis, &c. tam subito non rubent, nec iterum tam subito pallescunt.

Est omnino notabilis temporis differentia, quo effectus manifestus irritationem in musculo & in parte non musculo-
sa sequitur, cujus tamen differentiae causam veram ex ipsa musculi structura facile divinare licet. Quando v. g. membrana adnata oculi irritatur, fit in ejus vasis humorum accumulatio subito, primo tamen

Prech, Tract.

G

in-

incipiet in vasculis minimis, postea ad majora & majora deveniet, donec vasa in nudos oculos incurrentia sanguine abundantiore inflentur. Certe prius illam congestionem humorum non videmus, antequam non ea vasa sanguine fartiantur, quæ sanguinem rubrum admittunt; in vasculis vero, quæ rubrum sanguinem perpetuo excludunt, humorum congestum ob eorum pelluciditatem nudo oculo cernere non conceditur, qui tamen illum semper præcedat necesse est. Verum in musculo talis est structura, & minimorum vasculorum cum filis carneis nexus, ut illa ne vel minimum turgere possint; quin jam in innumeros flexus fila carnea cogant, abbrevientque. Flexus hi carneorum filorum tam exigui quidem sunt, ut oculis æque parum sisti possint, quam minima illa vascula; quia tamen innumeri plane tales flexus per totam fili carnei longitudinem fiunt, qui omnes simul sumti notabiliter fili carnei longitudinem accurtant, patet, cur irritationis effectus (qui est humorum ad vascula con-

congestus major) in musculo longe citius quam alibi in sensus incurrat, & incurrere debeat.

Difficultas secunda.

Congestio humorum in vasis ab irritatione tantum in animali vivo, neque in partibus a corpore separatis observatur; irritabilitas autem etiam post mortem aliquo tempore perstat, & in musculis exsectis, ac musculorum frustis separatis, superest.

Huic difficultati responso ad præcedentem difficultatem dato satisfieri posse videtur. Congestus humorum in vasis ab irritatione natus minor certe in vita languente, & vel maxime in partibus ex corpore exsectis esse debet, ita ut nudo oculo sistendus non sit, siquidem tantum in minimis vasculis locum habere videatur. Ast in musculo levissimam etiam humorum ad vascula minima congestionem inflexio multiplex filorum carneorum a vasculis arcte adjacentibus orta, & musculi contractio quam promptissimo pede insequuntur.

Adeoque humorum in vasculis minimis congestus per se non observabilis ope machinæ muscularis notabilis, sensibusque percellendis aptus redditur.

Difficultas tertia.

Nostra theoria prætendit irritabilitatem absque nervis non posse subsistere, quam tamen gravissimi Auctores, a nervis nequaquam dependere statuunt.

Profecto ad majorem humorum congregationem in vasculis minimis muscoli contrahendi requiritur vis nervea, sine qua nullo stimulo musculus ad contractionem suscitari poterit. Quum vero contraria nec hucusque satis eradicanda opinio prævaluerat, qua irritabilitas, tanquam musculi innata, & a nervis nequaquam dependens proprietas defenditur, operæ prætium fuerit eandem hic paululum ad incudem revocasse. Vir perspicacissimus & ab omni ævo de Anatomia ac Physiologia maximis laudibus dignissimus Ill. Hal-

levus (z) in eum errorem incidit, ut irritabilitatem tanquam musculo innatam proprietatem & minime nervis debitam adstrueret. Argumenta autem, quibus pro sua sententia vel maxime pugnare videtur, sequentia sunt :

1mo dari partes summe sensiles, ut ipsi nervi sunt, quæ tamen omni irritabilitate destituuntur : & contra existere alias, quæ irritabiles valde vix tamen sensiles sunt.

2do abscisso vel ligato nervo perire sensum, ast non item irritabilitatem.

3tio latius patere irritabilitatem quam vim nervosam, ut in polypis, & aliis bestiolis aquaticis capite & nervis destitutis videre licet. Et aliquid in ipsis plantis esse ipsi irritabilitati analogum.

Contra hanc de irritabilitate a nervis nequaquam dependente sententiam pluri-

G 3

ma

(z) Operum min. Tom. I. Serm. altero de irrit & sensib. Sect. II. & Elem. Phys. Tom. IV. Lib. XI. Sect. II. §. X.

ma fane ante paucos abhinc annos in lucem diversis in locis prodierunt tum Professorum cum Tyronum scripta, quæ omnia hic recensere ac discutere cum nimis longum foret, fatius esse duxi breviter, & quantum tuendæ meæ sententiæ sufficit, ad propositam difficultatem respondere.

Ac *primo* quidem inficias iri nequit, dari partes valde sensiles, quemadmodum ipsi nervi sunt, quæ tamen irritabilitate carent, quod mirum nequaquam est, quoniam non gaudent omnes corporis humani partes musculari structura, ut quidem ipsi muscoli. Omnino nervus irritabilis esse non potest uti musculus, quia muscularis non est: propterea nondum evidenter consequitur ad irritabilitatem nervos nihil facere, eamque per se, utpote proprietatem musculis insitam, independentem a nervis existere. Sed hoc certum est, irritabilitatem nempe vulgo dictam sine musculari structura non dari; ad muscoli autem structuram contractioni

aptam requiritur id, quod fibras musculares vulgo dicimus, & insuper arteriæ venæque humoribus plenæ, nec non nervi vivi adhucdum & vigentes, quorum si vel unicum deficiat, cessat omnis irritabilitas.

Secundum Argumentum haud magis probat irritabilitatem a nervis nullatenus pendere. Si enim nervo ligato aut absciso perit sensus in parte infra ligaturam, fit hoc propterea : quod irritatio nervi infra ligaturam aut absectionem facta ob viam interceptam ad sensorium commune, ubi sensus sedes est, devehire nequeat ; ita fit, ut irritato nervo supra ligaturam non contrahantur muscoli, quibus nervus infra ligaturam prospicit, quum irritatio ad musculum ob interceptam per ligaturam viam derivari non possit. Verum ubi nervum supra ligaturam irritas, is sentit ob liberum com meatum a loco irritato ad sensorium commune ; similiterque irritatum nervum infra ligaturam contractio muscu-

li continuo subsequitur, quoniam ab irritatione ad musculum liber nullaque ligatura impeditus transitus habetur. Et si dicas: musculus nudus irritatus contrahitur, licet ex corpore exsectus sit, propterea non evicisti musculum suis nervis privatum esse; nam exscidisti illum una cum suis nervis, & dum solum musculum te irritare credis, ipsos exilissimos ac invisibiles nervos irritas, qui contractionis musculi irritationem illam subsequenter causa sunt. Minimi isti ac exilissimi nervi una cum musculo exsecti æque vivi sunt ac contractioni musculi excitandæ idonei, ac quidem nervus infra ligaturam aut absectionem in vita ac vigore adhuc perstat, &, quotiescunque eum debite irritaveris, musculum contrahi facit. Nullatenus itaque isto experimento evincitur irritabilitatem absque nervorum auxilio subsistere posse, sed contrarium multo magis inde elucescit.

Tertium Argumentum a polypis & quibusdam vegetabilibus desumptum primo
sta-

statim intuitu *Halleri* sententiæ favere videtur, attentius vero ponderatum nequaquam. Polypos si absque nervis irritabiles statuas, non scio quomodo eorum motus ab arbitrio libero pendentes & sensum tactus exquisitissimi absque nervis explicare velis? Et si pro exemplo sumamus Polypum *Trembley* polyp a bras dictum, & *Linæo* Hydram fuscam, qui brachiis suis instar filamentorum pendulis aut etiam erectis prædam suam præstolatur, capitque, quomodo sciet animal, quod præda in filamento hæreat, si nervis adeoque & sensu caret? Istud argumentum a tam obscura insecti structura ad evidentioris hominis petitem non aliter videri potest, quam si nocte diem illustrare velles. Neque plus ponderis habere potest argumentum a vegetabilibus quidusdam ad attactum contractionis motum aliquem ostentantibus, quem quoque irritabilitatem dicunt (a), desumptum. Sciendum est stru-

ctu-

(a) vid. Dissert. inaug. D. Gmelin de *Irritabilitate vegetabilium*, Tubingæ 1768.

cturam mechanicam his motibus appositam nos adhuc penitus latere, quam Auctor naturæ longe aliam, quam in animalium musculis fecerat, fabricare potuit.

Nolo pluribus rem urgere, quæ, ut mihi certe videtur, in aprico collocata est, nec plura aliaque argumenta movere, ut illud ab opio desumptum est, quod non minus sensum quam irritabilitatem obtundit, ac sopit, manifesto argumento, non minus sensum quam irritabilitatem a nervis pendere; multaque alia, quæ, si nostra non satisfaciunt, apud alios Auctores ex professo pertractata legi poterunt. (b)

SE-

-
- (b) Inter cæteros multa ad rem spectantia habet Cl. Winterl in *Diss. de Inflammationis theoria nova*, Viennæ 1767. Aliquid quoque habetur ad hanc rem pertinens in *Dissert. de Mechanismo & usu respirationis Exp. D. Trabuechy*, Vienn. 1768. Et egregie hoc Argumentum pertractatum fuit ab *Expertiss. Trzebiezky* in *Dissert. de irritab. & sensibilitate*, Pragæ 1770.



SECTIO III

continens

Explicationem Tabularum.

TABULA I.

Fig. I.

Sistit frustum musculi glutæi magni hominis adulti, non coctum, sed recens, quo diversa crassities ac figura Lacertorum ostenditur, prout nudo oculo conspici poterant.

a. a. Est pars exterioris musculi vaginæ, quæ eum investit.

b. b. b. b. & c. Sunt septa ab illa vagina orta, & intra musculi substantiam producta, quibus musculus in magnos musculosos lacertos dividitur.

c. c. c. c. & c. Sectiones illorum Lacertorum musculosorum, magnitudine & figura, ut patet, differentes.

cd. cd. cd. Hic notatur decursus sibi parallelus Lacertorum, qui in tota sua longitudine a se separati per interjecta sepimenta membranacea reperiuntur.

Fig.

Fig. II.

Est particula carnis bubulæ cruda, ac in ea magnitudine depicta, qua nudose offert oculo. Desumpta autem fuit ex musculo quodam ad lumbos sito. Videntur hic Lacerti musculares multo minores, quam in præcedente figura, omnesque complanati, & parallele sibi accumbentes, per septa membranacea tamen abinvicem interstincti.

a. a. a. a. Sunt sectiones transversæ Lacertorum omnes oblongæ, ac ferme rhomboideæ.

b. b. b. b. In his sectionibus aliæ minores areæ notantur, quæ in omnibus aliis quoque animadvertentur, & evidenter ostentabant, quomodo crassiores illi Lacerti ex minoribus adhuc componerentur.

Notandum est in hac figura: quod sepimenta membranacea inter Lacertos intercurrentia non albis lineis, ut in priore figura, sed nigra tantum & simplici linea indicata sint, propter magnam eorum ténertudinem, quæ duplici linea tam facile exprimi nequit.

Fig.

Fig. III.

Fruſtulum carnis humanæ elixæ ex musculo glutæo magno exhibet, prout nudo oculo conſpiciebatur, quod octo *maiores* Lacerti musculosi componunt numeris 1. 2. 3. 4. 5. 6. 7. 8. notati. Sepimenta hos Lacertos interſtinguentia ſimplici & crassa linea expreſſa habentur.

Porro patet ſingulos hos Lacertos majores ex *minoribus* componi, ut præfertim ac clare videtur in Lacertis 1. 2. 3. 4. 5. 6. 7.

Et hi minores Lacerti iterum ex *minimis* conſtabant, quod tamen tantum in ſolo Lacerto 8. delineavi.

Fig. IV.

Offert lamellam ex Lacerto 1. prioris figuræ tranſverſim diſſecto deſumtam. Eſt autem hæc lamella ita delineata, prout videlicet per lentem quinquies objecta in diametro æugentem adparuerat.

a. a. a. a. a. Vagina sepiens Lacertum majorem.

b. b. b. b. b. Ejus processus intra Lacertos focios pergentes pro parte tantum indicati.

c. c. c. c. c. c. Septa a vagina majoris Lacerti producta, & eum in octo minores Lacertos dividencia.

1. 2. 3. 4. 5. 6. 7. 8. Minores illi Lacerti in quos Lacertus major primo dividebatur.

7. In Lacerto hoc vel maxime ostenditur, quemadmodum singuli minores Lacerti per membranacea quoque septa in Lacertos minimos divisi sint.

8. In hoc Lacerto jam videtur, quomodo singuli minimi Lacerti ex Fibris muscularibus sint compositi.

Fig. V.

Tandem constitui unum ex minimis Lacertis præcedentis figuræ per microscopium, quod 100 vicibus objecti diametrum augeret, (focum enim habet in distantia 8 centesimarum partium pollicis,) delineare, quo Fibræ musculares clarius in conspectum prodirent.

a. a. a. a. Vagina minimum illum Lacertum circumdans.

b. b. b. b. &c. Septa, ab illa vagina intra Fibras musculares vasorum ad instar diramata, & in vaginulas, quæ Fibras musculares ad modum retis circumdant, terminata.

c. c. c. c. &c. Hæ, & reliquæ omnes hisce similes area denotant transversas Fibrarum muscularium sectiones; unde non solum angulosa Fibrarum muscularium figura intelligitur, verum etiam diversa nonnihil crassities.

TABULA II.

Fig. I.

Depingitur lamella quinque similium Lacertorum seu Fasciculorum fibrarum muscularium transversim sectorum, ut in *Tab. I. Fig. V.*; sed ope lentis, cujus focus $\frac{4}{100}$ pollicis habet, adeoque ducentis vicibus diametrum objectorum majorem exhibet, quam id fiat nudo oculo, ut melius paterent tam vaginæ fasciculos illos sepientes, quam earundem septa intra Fibras

bras musculares ramorum more demissa,
& demum Fibræ musculares ipsæ.

a. a. Pars vaginæ, quæ in *Tab. I. Fig. IV.* fasciculum seu Lacertum 8. circumdederat, (est enim ex eodem musculo desumpta hæc lamelia).

b. b. b. b. b. Ejus septa quæ abscedunt minimos Fasciculos sepiendi gratia.

c. c. c. Horum septorum iterum alia septa, quæ intra Fibras musculares ramosæ se infinuant.

d. d. d. d. Fibrarum muscularium transverse sectarum areæ aliquot indicantur. Unde non solum polyedra irregularisque earum figura; sed etiam diversa crassities, & complanatus nonnihil in plerisque habitus elucescit.

[[*Fig. II.*]]

Particulam ejusdem musculi per idem microscopium, quo usus fui in præcedente figura, depinxi, ut Fibræ musculares juxta suum longitudinalem decursum quoque paterent.

TABULA III.

Hanc tabulam ideo hic adesse feci, ut darem exemplum variantis Fibrarum muscularium crassitie diversis in animantibus. Omnes hujus tabulæ figuræ sunt factæ per idem microscopium, quod objectorum diametrum 100 vicibus majorem quam nudus oculus repræsentabat, ut in Tab. I. fig. V. Adhibui tantum lamellas, quas ex animalium carne seu cruda, seu cocta, utcunque tamen prius siccata, novacula abscidi, sectione ad decursum Fibrarum transversa instituta; hac enim methodo crassities Fibrarum optime innotescit.

Fig. I.

Est particula lamellæ ex hominis adulti musculo obliquo abdominis, cujus Fibrarum muscularium crassities convenit cum Tab. I. fig. V. utpote quæ per idem microscopium visa & delineata fuerat.

In diversis musculis corporis humani, quamvis differebant plurimum mole ac fi-

gura, reperi Fibras musculares eandem habere crassitiem. In sphinctere ani, Elevatoribus ani, musculis Constrictoribus pharyngis, musculis laryngis, & etiam in istis, qui linguæ dicantur, passim tamen notabiliter tenuiores fuere.

Fibræ musculares diversorum hominum variant aliquantum, sed non multum, in sua crassitie, ita ut ista differentia proportionata esse videatur diverso gradui incrementi totius corporis. Hinc ii, qui majorem incrementi gradum adepti sunt, paululum crassiores habent, quam alii, quibus minorem attingere licuit. Propterea etiam infantum Fibræ musculares eo tenuiores sunt, quo magis a perfecto incrementi gradu distant; ita ut statuere liceat: Fibrarum muscularium crassitiem esse in ratione directa incrementi totius corporis, a quo tamen obesitatem excipias.

Sic se res postea habere videtur in singulis animantium speciebus: Fibræ enim

musculares junioribus ac minorem incrementi gradum assecutis tenuiores sunt quamvis & hoc per experientiam verum sit, quod diversarum specierum Fibræ musculares inter se comparatæ in immensum sæpe in crassitie differant.

Fig. II.

Crassitiem Fibrarum muscularium bovis adulti exhibet.

Fig. III.

Crassities Fibrarum ex Cervo elapho *Linæi*.

Fig. IV.

Ex ove Vervece vulgo dicto, Germanis *Schöps*.

Fig. V.

Fibrarum muscularium talis crassities a me in carne suilla reperta est, animal fuit adultum, & haud mediocris magnitudinis.

Fig. VI.

Hac figura proponitur Fibrarum muscularium crassities Muris ratti, germ. *Ratz*,

mediocris magnitudinis. Lamella ista scissa est ex musculis in femore sitis.

Fig. VII.

Ex musculo pectorali avis, cui nomen Scolopax gallinago *Lin.* german. *Moos-schnepf.*

Fig. VIII.

Ex musculo iterum pectorali avis, cui nomen Tetrao coturnix, german. *Wachtl.* Hæc caro aliquantum macerata prius fuit, propterea fibrarum limites teneriores tantum lineas, & haud tam facile, ut alias, distinguendas exhibebant.

Fig. IX.

Hic ostenditur, cujus crassitie Fibras musculares in musculis vertebrae colli moventibus habuerit Anas Boschas, german. *Stock-Ente.*

Fig. X.

Crassitiem Fibrarum muscularium ostendit ex Testudine palustri mediocris magnitudinis. Lamella ista ex musculis ad femur sitis abscissa fuit.

Fig.

Fig. XI.

Lamellam ex musculis ad femur quoque fitis Ranæ esculentæ grandioris scidi, in qua patuit, quantopere exilis hujus animalis Fibræ musculares crassitie excedant illas hominis, aut bovis, aut aliorum animalium, quorum corpus immensum superat corpusculum ranæ.

Fig. XII.

Est transversa sectio integri musculi prope coccygem Lacertæ vulgaris siti. Videtur hic vagina musculi communis circumducta, & in se comprehendens fibras musculares, quæ crassitie sua Fibras musculares ranæ æquant.

Fig. XIII.

Est particula ex musculis intercostalibus ejusdem Lacertæ desumpta, in qua utrinque crassiores, in medio vero tenuiores fibrarum muscularium sectiones sunt, quod an in natura ita obtinet, aut vero inæquali ac obliquo fibrarum decursui hinc etiam obliquæ sectioni debetur?

TABULA IV.

Tandem plurium piscium carnem examinare mihi proposui, & similiter quoque comperi diversitatem sæpe ingentem in diversis piscium speciebus dari, quæ crassitiem Fibrarum muscularium concernat. Ut hujus rei luculentius quoque aliquod exemplum darem, sequentes adumbravi Figuras. Notandum vero est, omnes primas undecim Figuras hujus Tabulæ esse per idem microscopium delineatas, quod etiam in præcedente Tabula adhibui; id videlicet, quod objectorum diametrum ad centum vices usque augetet.

Fig. I.

Est particula lamellæ Fibrarum muscularium transversim sectarum ex Gado Merluccio *Linæi*, germ. *Stock - Fisch*, quæ, ut ex Figura patet, inter crassissimas numerari merentur. Neque in Balæna tam crassas fibras reperit *Leuwenhækius*, quam
in

in Afello majore (*), qui aut Afellus major *Aldrovandi*, seu Gadus *Æglefinus*; aut Afellus major vulgaris, seu Gadus *Morrhua*, fuerit.

Fig. II.

Crassitiem Fibrarum muscularium exprimit, quas habuit Accipenser Ruthenus, germ. *Tick*, cujus carnem examinavi.

Fig. III.

Est Fibrarum crassities, prout in carne piscis Siberii Glanis, germ. *Schaden* mihi apparuerat. In medio hujus Figuræ sunt tenuiores Fibræ, & supra infraque longe crassiores, quod duplici ex causa contingere potuit: vel reipsa tantopere differunt Fibræ musculares in hoc pisce quoad crassitiem; vel ob decursum ac directionem inæqualem fibrarum sectio supra infraque nimis oblique pergens areas ni-

H 4

mi-

(*) vide ejus *Epist. physiolog. super compluribus naturæ arcanis*, *Epist. I. Fig. 1. 2.* & *Epist. II. Fig. 1.* si in delineatione harum Figurarum eodem usus est microscopio.

mium magnas fecit, quæ in sectione recte transversa minores, ut in medio hujus Figuræ videre licet, factæ fuissent.

Fig. IV.

Accipenser Huso, germ. *Hausen* examinandus occurrit, cujus Fibrarum crassities non plane distincte patuit, quia diu carnem maceraveram, priusquam eam examinarem; & tunc solent vaginæ Fibras amicientes laxari, & dissolvi; unde Fibræ crassiores fiunt, inter seque vix aliquos limites relinquunt.

a, a, a. Sectiones transversæ Fibrarum muscularium,

b, b, b. Septa membranacea intercurrentia;

Fig. V.

Est lamella Fibrarum muscularium transversim sectarum ex pisce Cyprino Tinca, germ. *Schlein*, mediocris magnitudinis, cujus Fibrarum muscularium crassities in Figura patet.

Fig. VI.

Est ex Cyprino Carassio, germ. *Pra-*
xen.

Fig. VII.

Petromyzon fluviatilis fuit, mediocris magnitudinis, germ. *Biskurn*, ex cuius dorso Fibrarum muscularium crassitiam hæc Figura exprimit, duplicem vel maxime, ut patet, & quemadmodum jam ostensum est in Fig. III. quandoque reperiri.

Fig. VIII.

Crassities Fibrarum ex Cyprino Vimba, germ. *Weisfisch*.

Fig. IX.

Hujus crassitiei Fibras musculares habuit Salmo Salar, germ. *Lax*.

Fig. X.

Tam crassas Fibras musculares habuit minimus pisciculus Cobitis Barbatula, germ. *Grundl*.

Fig. XI.

Fibrarum muscularium crassities ex Cyprino Carpione, mediocrem magnitudinem habente.

Re.

Reliquæ Figuræ quæ in præsentē Tabula conspiciuntur, pertinent ad demonstrationem Filorum carneorum, ex quibus omnes Fibræ musculares componuntur.

Fig. XII.

Ostenditur hac figura particula fibræ muscularis humanæ coctæ, quæ conspecta fuit secundum suam longitudinem, & quidem per lentem, quæ objecti diametrum ad 400 vices usque auget, focum enim habet $\frac{2}{100}$ poll. Patent in hac fibra, quemadmodum in omnibus aliis fibris muscularibus coctis, talique microscopio examinatis, rugæ transversæ albicantes, quæ nihil aliud sunt, quam impressiones superficiales a vasculis ac filis cellulosis & forte etiam nervulis vaginam fibræ perreptantibus. Dum enim musculus coquitur, illa vascula accurrantur, fibram stringunt multis in locis, ac rugas istas plus minusve transversas ei imprimunt.

Fig. XIII.

Est alia Fibra muscularis carnis humanæ, cocta, & per idem microscopium
ac

ac Fibra figuræ præcedentis conspecta. In hac autem partim maceratione, partim leni compressione extima Fibræ vagina fere destructa est, proptereaque jam clarius patent Fila carnea rugosa, ex quibus Fibra muscularis componitur. Præter has serpentinæ filorum carneorum rugas, quæ in hac Figura videntur, adhuc aliæ minores observandæ erant, quæ autem præ nimia exilitate in hac Figura exprimi non poterant: idcirco sequentem figuram adumbrare necessum esse videbatur.

Fig. XIV.

Sunt tria Fila carnea, quorum rugæ seu flexus majores a. a. a. loco illorum sunt, qui in figura priore, XIII. videlicet, conspiciuntur; minores vero flexus b. b. b. denotant illos, quos in præcedente figura præ nimia exilitate exprimi non potuisse dixi.

Fig. XV.

Unicum Filum carneum per idem microscopium cum fig. XII. & XIII. visum, cujus serpentine flexus clare cernuntur.

Fig.

Fig. XVI.

Aliud filum carneum eodem microscopio visum, cujus serpentini flexus frequentiores sunt, quam Fili carnei præcedentis figuræ.

Fig. XVII.

Iterum aliud Filum carneum per idem quoque microscopium conspectum, quod, quia non ex latere, ut in præcedentibus duabus figuris, sed aliquantum jam ab una suarum facierum visui se sistit, rugas habet transversas, filum carneum quasi in totidem globulos aut articulos secantes.

Fig. XVIII.

Trium Fibrarum muscularium, humanæ carnis, sectiones transversæ sistuntur, suis vaginis adhuc circumseptæ. Delineatæ sunt per idem microscopium, ut figura XII. & XIII. Patent in singulis his tribus fibrarum muscularium transversis sectionibus minimæ & plurimæ areolæ, quas sectiones transversæ filorum carneorum, ex
qui-

quibus Fibrae musculares omnes constant, constituunt.

Fig. XIX.

Est sectio transversa duarum Fibrarum muscularium, unius majoris & alterius minoris ex figura I. hujus tabulae, inspecta quoque per lentem objectorum diametrum 400 vicibus augmentem, ut Fila carnea crassitie ab humanis nihilo diversa ostenderentur.

TABULA V.

In hac Tabula omne id, quod circa rugas, tam fasciculorum seu lacertorum muscularium, quam ipsarum Fibrarum muscularium notandum venit, exponere constitui; ea enim, quae rugas filorum carnearum concernunt, jam in Tabulae praecedentis figura XII. XIII. XIV. XV. XVI. XVII. expressa fuere.

Fig. I.

Frustulum carnis bubulae coctae exhibetur, prout nudis oculis conspici poterat mire rugosum, Constat primo duobus
ma-

majoribus lacertis, qui iterum ex minoribus componuntur.

a. a. Sunt duo majores illi Lacerti.

b. b. Fasciculi minores.

c. c. c. Rugæ majores fasciculorum.

d. d. d. Rugæ minores, quæ ex minimis sunt, quas nūdo oculo deprehendere licet.

Fig. II.

Duos parvos Fasciculos ex priorē carnis frusto separatos ad oculum nudum depinxi, ut tam majores illæ, quam etiam minores rugæ, jam in priorē figura indicatæ, clarius paterent.

a. a. a. Sunt majores ac alternæ rugæ seu flexus, qui in priorē figura etiam jam conspiciebantur.

b. b. b. Minores rugæ, quæ in præcedente Figura serpentinæ erant, quum ibidem Fasciculi ex latere suo conspiciebantur; hic vero Fasciculi facie sua planiore ac latiore se visui offerunt, & ideo rugæ hic plus minusve transversæ sunt.

Fig. III.

Fasciculum majorem, quinque minoribus compositum ex carne humana, muscu-

sculo nempe bicipite brachii cocto, ad oculum nudum depinxi, in cujus Fasciculis minoribus rugæ quoque coctione inductæ conspiciuntur.

Fig. IV.

Pinxi minimum fasciculum fibrarum muscularium, per lentem triginta vicibus objecti diametrum augmentem, ut minores fasciculorum rugæ, quæ nudo oculo in *fig. I. d. d. d.* & *fig. II. b. b. b.* minimæ esse adparent, magnitudine aucta manifestius in conspectum venirent.

a. a. a. a. a. Fibræ musculares in minimum fasciculum collectæ.

b. b. b. b. & c. rugæ ac flexus alterni ipsius fasciculi.

Fig. V.

Præter illas rugas, quas in figura præcedente vidimus, & quæ rugas minores fasciculi muscularis constituunt, sæpe aliæ adhuc minores in ipsis Fibris sunt, quales in carne bubula cocta reperi, cujus minimum fasciculum in hac figura delineavi per idem plane microscopium, quo in figura præcedente usus sum,

a. a.

a. a. a. a. a. Rugæ minores fasciculi fibrarum muscularium similes fere illis, quæ in præcedente figura habentur.

b. b. b. b. Rugæ, quas rugas fibrarum muscularium majores appello.

Ad magis elucidandas has Fibrarum muscularium majores rugas sequentibus quatuordecim figuris opus fuit, quas ex carne humana in magnitudine aucta per lentem ducentes ferme objecti diametrum augentem delineavi.

Fig. VI.

Est particula fibræ muscularis humanæ coctæ, conspecta in latere suo, & propterea serpentinis gaudet inflexionibus.

Fig. VII.

Alius Fibræ, humanæ tamen, particula similiter conspecta, similiterque rugosa.

Fig. VIII.

Idem demonstrat cum prioribus duabus figuris.

Fig.

Fig. IX.

Serpentinæ quoque fibrarum rugæ, sed quarum anguli tam acuti fuerant, ut fibra ferrata videretur. Ad utrumque hujus particulæ fibræ muscularis extremum deficiebant illæ rugæ.

Fig. X.

Quatuor Fibrarum muscularium sibi in utuo accumbentium rugæ ferratæ.

Fig. XI.

Sunt tres Fibræ musculares, quarum superiora extrema sibi ita applicita sunt, ut unum ab altero contegatur, & tantum unica Fibra ibidem adesse videatur; ast inferius manifestum fit earundem tres fuisse, ad quam opticam illusionem attendendum est, ne facile in simili casu fibra muscularis ramosa esse dicatur.

Fig. XII.

Fibræ musculares, si ex latere suo adspiciantur, passim tenuiores sunt, & rugas, si habent aliquas, habent serpentinæ; dum

vero eas a facie sua alterutra contem-
plamur, videntur esse latiores, & rugas ha-
bere transversas. Hoc evidens fit in hac
Fibræ particula, cujus extremitas superior
oculis facie sua latiore obversa rugas trans-
versas, constantes ex alternis profundita-
tibus seu concavitatibus & convexitatibus
instar undarum, adeoque undosas habet;
dum interim extremitas inferior suo latere
obversa tenuior est, & rugas serpentinatas
se habere ostendit. Fuit enim hæc Fi-
bræ particula in medio aliquantum con-
torta, ut superius sua latiore facie se offer-
ret, inferius vero tantum latere suo.

Fig. XIII.

Trium fibrarum muscularium sibi ac-
cumbentium facies latiores apparentes una
cum undosis suis rugis.

Fig. XIV. XV. XVI. XVII.

Fibræ musculares varias undosas ru-
gas sed profundas habentes, ut facile ap-
pareant quasi ex pluribus particulis aut ve-
siculis conflatae.

Fig.

Fig. XVIII.

Rugæ ferratæ figuræ X, hic in facie sua latiore conspectæ.

Fig. XIX.

In hac Fibra rugæ transversæ majores valde superficiales depinguntur, prout eas haud raro observare licet.

Hæc itaque ad rugas Fibrarum muscularium majores spectant. Sunt præter has aliæ adhuc minores in superficie Fibrarum muscularium spectabiles, sed quæ non nisi lente multum objecta augente deteguntur, quasque jam pictas in *Tab. IV. fig. XII. & XIII.* ostendi.

Fig. XX.

Quod causam rugarum illarum cernit, eam jam attigi in Sectionis I. cap. IV.; quod videlicet debeantur Filis cellulosis & vasis nervisque tam fasciculos quam Fibras musculares & Fila carnea ipsa ex transverso perreptantibus, quæ, quum coctione abbrevientur, similia vestigia imprimunt tam fasciculis quam Fibris mu-

scularibus ac ipsis Filis carneis, unde in similes rugas crispantur. Evidenter hanc rem vidi in cocto fasciculo Fibrarum fig. XX. aspecto per lentem triginta vicibus diametrum objecti augentem, quem in superficie oblique percurrerant vasa manifesta, quibus ablatis remanebant spectanda satis profunda vestigia ab illis impressa, ut in figura hac videre licet.

TABULA VI.

Fig. 1.

Est sectio particulæ cordis bubuli transversa, in qua primo apparent areæ majorum lacertorum crassioribus lineis a se distinctæ, sed non undiquaque, sicut in musculis voluntariis *vid. Tab. I. fig. I. II. III.* verum hinc inde inter se conjunctæ. Secundo conspiciuntur in majoribus illis areis minores oblongæ pariter hinc inde cohærentes, quæ areæ sunt iterum minorum fasciculorum. Hæc omnia nudo patent oculo; nihilominus tamen delineavi ea per lentem objecta bis in diametro augentem, ut facilius omnia exprimi possent.

a. a.

a. a. a. a. a. Sectiones transversæ fasciculorum seu Lacertorum majorum.

b. b. b. b. b. Sectiones transversæ fasciculorum minorum.

Fig. II.

Exhibet tres majores lacertos ejusdem Cordis per eandem lentem conspectos juxta eorum longitudinem, ubi apparet, quomodo fasciculi musculares Cordis inter se concatenati sint, & non, ut in musculis voluntariis dictis (vid. *Tab. I. fig. I. II. III.*) disjuncti per totam longitudinem ac paralleli decurrant.

a. a. a. Tres musculares Lacerti majores.

b. Locus, ubi inter se connectuntur ac concatenantur.

c. c. Ubi iterum in duos Lacertos dehiscunt.

Fig. III.

Sunt minores Lacerti musculares ejusdem cordis, & per eandem lentem ut *Fig. I. & II.* delineati, quorum concatenatio quoque clare visitur.

Fig. IV.

Est lamella tenuissima ex eodem Corde desumpta sectione transversa ad decursum fasciculorum. Hanc per eam lentem

exa-

examinavi, quam in *Tab. IV. fig. XVIII. & XIX.*, videlicet 400 vicibus diametrum objecti augmentantem, adhibui. Nullæ patebant fibræ ut in *Tab. II. fig. I.*; sed tantum minimæ areolæ Filorum carneorum, magnitudine sua non excedentium Fila carnea *Tab. IV. fig. XVIII. & XIX.*

a. a. a. a. a. Portiones maximæ arearum fasciculorum muscularium minorum quales in *Fig. III.* vides.

b. In hoc tantummodo loco areolas minimas filorum carneorum indicavi, quum eas per totam figuram pingere & nimium laboriosum, & inutile foret.

Fig. V.

Habetur hic depicta lamella ex musculo supinatore longo injecto Infantis sex menses circiter nati. Successit injectio tam bene per arterias, ut musculus totus quantus adeo rubuerit, quasi totus ex cera rubra confectus esset. Accepi ergo hunc exsiccatum prius musculum, & sectione non transversa, sed juxta decursum Fibrarum muscularium directâ, lamellam abscidi, quam hume-

meditatam prius, ut omnia naturalem suam magnitudinem iterum propemodum assequerentur, examinavi, depinxique. Delineata autem est hæc lamella per lentem objecta in diametro 100 vicibus augmentem. Notandum est quod in tali sectione multa vascula utique percindi debuerint, multa tamen perspicua permanuisse docet ipsa figura.

a. Extremitates Fibrarum muscularium abruptæ, quæ, ut patet, multo tenuiores sunt, quam in homine adulto.

b. b. Duo præcipui ramî arteriosi.

c. c. c. c. Ramî minores percissi.

d. d. d. d. Ramî minimi perfecti. Omnium istorum ramorum tam anastomoses, quam decursus in ipsa figura clare discerni possunt. Ultra illa minima vascula injectio colorata non pertigit; quod procul dubio ex ea ratione acciderit: quia materiæ injectionis & præcipue cinabari, qua injectio colorata fuerat, ulteriora vascula amplius pervia non fuerint, quod tamen intra Fibras musculares, & inter Fila carnea continua divisione perveniant vascula minimi-

nima, ad quæ materie coloratæ pervenire non datur, docet ratio, & illarum partium inter sese nexus.

Fig. VI. & VII.

Sunt ideales Figuræ, quæ explicatæ fuerunt in Sectionis secundæ capite primo, cujus dilucidandi gratia confectæ fuerant.



Fig. I.




Fig. II.




Fig. III.




Fig. IV.




Fig. V.




Fig. I.






Fig. II.




I.



II.




III.



IV.



V.




VI.



VII.




IX.



VIII.




X.




XI.



XII.



XIII.





I.




II.



III.



IV.




V.



VI.




VII.




VIII.



IX.



X.



XI.



XIII.



XVIII.



XII.



XV.




XVI.



XVII.





XIV.



XIX.





VI.



VII.



VIII.




IX.



X.



XI.



XII.



XIII.



XIV.



XV.



XX.



XVI.



XVII.



XVIII. XIX.



